

ICAKUSUSHILAKO UMUNTU UTONTONKANYA



Natotela, Munyina Mann! . . . ? . . . “Ifintu fyonse filacitwa, cetekela fye.” Natupepe.

Mwe Lesa, mucine kulya e kwaba ukukabila kwa mitima yesu muno bushiku, ukucetekela fye. Nge fyo tulongene muno bushiku mu tabernacle, akasuba kalewa ku masamba, tulepepa, mwe Lesa abatemwikwa, ukutula Imwe mwalatuleka ifwe twishibe ifyo mupepi cili ukutula kasuba kalewa nako pa nshita; kaleya kalepwa. Akasuba kacepa. Kabili ifwe tulebukisha inshita imo ilyo akasuba kacepele, aba pa bulendo babili bamwitile Imwe ukwingila no kwikala pamo nabo. Elyo kabili Imwe mwailengele Mwebene ukwishibikwa kuli bena pa kulondolola Icebo Cenu no kubaleka bena bamone ukutula ifyo Kristu alingile ukucula, fyonse ifi fintu intanshi.

² E ico tulepepa, Lesa, ilyo akasuba kacepa, ukutula Imwe muli no kwisa mu mayanda yesu no kwikala pamo na ifwe, no kulondolola kuli ifwe Icebo, Shikulu, ico ifwe mukunakilila twaikatilila nge cuma ukufuma kuli Imwe, nge cabupe mu mitima yesu. Leken i ifwe twikatala ukucilukila Cena; lekeni ifwe lyonse tuletina Cena ne mitima yesu yonse.

³ Tuletotela Imwe pa fyo Imwe mwacitile balya mu cipatala mulucelo, kabili ifyo Imwe mwacitile umulumendo umunono uwakwa Munyina Capps uyo walele, mupepi no kufwa, kabili nomba uyu ali muno mwibumba muno bushiku. Ifyo ifwe tuletotela Imwe, Tata, pali fyonse ifi fintu!

⁴ Peleni, Shikulu, ukutula twingeshiba umusango twinga lumbanishishamo Imwe. Ifwe tuli fye. . . . Cena capula pa kwiluka kwesu ukwishiba ifya kulumbanya Imwe. Lelo, Shikulu, pokeleleni imitima yesu nge fyabupe ifyakutotela, ukutula ifwe twali Mutemwa. Kabili ilyo ifwe—ifwe tulefwaya ukucita cilya icili icalungama, tulangisheni ifyakucita, twalombela mwi Shina lyakwa Yesu. Amen.

Kuti mwaikala.

⁵ Icungulupo mukwai kuli ulu lukuta ulukalamba ulwiswile muno bushiku kabili kunse mukati kampanga pali balamya. Bena baletila na basuntinkanishiwako nakabili muno bushiku.

Ndesubila umukashi wandi alekutika, nshacimutumina lamya, e ico nalamutumina panuma ya uku kulongana.

⁶ Kabili natukwata akapepala pano ukutila mulucelo Munyina Jackson mun-. . .atemwa wishu ukuba muli ilye mibele, ukutila ukubako bwino kwa musango filya na kucitika, ena limbi kuti aisa ku nga'nda mailo.

⁷ Umulumendo umunono wakwa Munyina Capps, uo anjitileko inshita imbi iya bushiku, nshishibe nga cakutila Munyina Capps ali mwibumba atemwa iyo, lelo, kabili umulumendo wakwe umunono alilwele nganshi.

Kabili cacitike fye ukuba ukutila Joseph na ine twali kulya ku—ku cibansa ica kulashilako, ukuteyanya rifle yandi inono iya makumi yabili na fibili. Nalimyebele palwa cena umulungu wafumako. Kabili ena akaba ulasa umwine mwine. Kabili e ico alefwaya ukuba uwashininkisha no kweba Gary na Larry ifyo acitile. Kabili alinjebele, ukubwekela. . .Natile, “Iwe ulingile ukwiminina kabili—kabili ukebe Munyina Gene Norman palwa cena.”

Atile, “Ukeminine no kweba Billy intanshi,” munyina wakwe.

Panuma ali mulangishe ukulasa ukusuma uko acitile, atile, “Nomba talukako ku nkasa shandi.” Mwamona?

⁸ Kabili lilya line ilyo twafikile kulya, cinshi, lamya yalilila, na Billy abutukilemo ukwipusha. . .Natile, “Yena kuti yaba lamya iya mulwele nomba.” Kabili ifwe twaingilemo fye, kabili cali ni Munyina Capps. Kabili umulumendo wakwe umunono alikwete peritonitis, kabili ubumi ubunono sana ukuba ne shuko iya kuba no mweo. Kabili Shikulu na mundapa. Kabili ubushiku bumbi atile alecula no kukalipwa kwa musango umo, Mrs. Woods alinjebele. Kabili twalile mulubilo, kabili ine fye. . .Natile, “Mrs. Woods, naipwa inshita nomba, teni koloko, ndetwishika nga baleya nsuminisha ukwingila kulya ku cipatala.” Natile, “Nalaya ku nga'nda no kuyaisala fye icibi.” Kabili naile kulya no kupepa. Kabili balesosa ukutila umulumendo umunono ali mwibumba muno bushiku. E ico tuletasha nganshi pali cilya. Kabili ifwe tuletotela.

⁹ Nomba natwikatilila; ifwe tatulaumfwa na nomba. Nga Munyina Leo Mercier na Nkashi Mercier balekutikako, ifwe tatulati tumfwe na nomba ukufuma kuli bawiso. Ifwe tulesubila ukumfwa mukashita akanono, ifyo ena ali. Lelo ndi fye ngo washininkisha ena ali no kuba fye bwino, e ico tuletetekela cilya kuli Lesa Impalume, ukutila Lesa ali no kusunga ulya umutemwikwa, umwaume umukote uwashila, kapyunga umwine mwine uwakale uwa Mbila nsuma.

¹⁰ Nomba, owe, kuliko ifintu ifingi nganshi ifyo filingilwe ukucitwa, kabili inshita inono fye iya kuficita, e ico tulebika fye amano yesu yonse nomba pafyo twingacitila Shikulwifwe.

¹¹ Nacisa bwanguko panono, kabili ine—ine nshileumfwa bwino nganshi. Nali uwanaka, ukunaka fye sana, kabili nacilalako mucungulo. Ukukanatala . . . Nshilati ndye ne cakulya ca cungulo nakalya. E ico ine—naciyaingila mukati, nacilala fye icungulo conse. Nacumfwa ububi, e ico nacilala kulya. Kabili elyo nacidendeka ukupepa, kabili nacumfwa bwino. Kabili nacibuka, ukufwala ifyakufwala fyandi, no kwisa ku chalichi.

¹² E ico ifwe—ifwe tulesubila kuli Shikulu Yesu nomba ukutila Ena ali no kupala amapange yesu capamo nomba, ngo kucilinganya inko ifwe tuleesha ukuilunda kuli ici ciputulwa ca Mubili wakwa Kristu, ukutila nalipelwa insambu ukulisha impaanga Shakwe. Kabili kuti nacita fye mu busuma ubwa kwishiba kwandi, mukupela Icakulya icalungama ico naishiba ica mpaanga.

Kabili ndi uwakabila nganshi ukulolela kuli ora iyo ifwe bonse twingalongana mu cifulo cimo no kushimikila pali filye Finkunka Cinelubali, ne Nweno Cinelubali, kabili ne Ntandala, kabili na fimbipo. Fyena fyonse filecitika fye pa muku umo. Ulya e mulandu wine cikatusenda nalimo umulungu, inshiku ikumi atemwa ukucilapo, ukupita muli cena mukulongana fye kumo, nga kuti twacita. Tuletontonkanya cintu calinga nganshi.

¹³ Nomba, mwe bengi imwe muleya ukutali. Ndelolekesha kuno, kabili nacimona fye, pa kashita akapitapo, abantu mu Tucson. Mrs. Sothmann, ndemona Munyina Fred afikile fye bwino. Ni mumona mwi bumba mulucelo. Kabili kulya ndetontonkanya ulya ni Munyina Don Ruddell uwikele kulya kulubali lwakwe kunuma kulya, muno bushiku. Ndi uwansansa ukumona Munyina Don mukati. Kabili Junior, bushe Junior ali muno, atemwa bushe ali kulukuta lwakwe? Ndemona bena bali pa malama ku chalichi muno bushiku.

E ico, imwe bonse mwe ba munyina, ifwe tuli abansansa nganshi ukutila muli muno pamo na ifwe muno bushiku, kabili tulesubila muli Shikulu ukutila ubushiku bumo ifwe, ilyo ubushiku bwa bumi bwapwa kabili ulubuuto lwesu ulunono lwa bumi ulufwa lwatendeka ukushibantulukila no kulashima, tatwakatine ububi, pantu ukupita mu—mu . . .

¹⁴ Ningile fye ukumishibisha, kulya mu—kulya ku . . . mu Arizona, kulya ku Prescott. Munyina Coggins naba mufumya mucipatala. E ico tuletasha nganshi pali cilya. Cisuma. Cilya cili fye bwino. E ico tuletasha nganshi pali cilya. Nkashi Mercier, ba wiso batendeka ukumfwa bwino ino ine nshita. Nacumfwafye, panuma twacipepa, ukutila ena ali nokuba fye bwino. E ico limbi balekutikako; ndesubila na bacita; kabili ndetontonkanya na bacita. E ico tuletasha pali cilya, ukutila munyinefwe ali—ali fye bwino nomba, kabili ali no kuba fye bwino. Eico tuletasha Shikulu pali ifi fyonse ifintu.

¹⁵ Nalikwata icakulomba mailo ubushiku; munyina watemwika muno, ndemona ena teti abe naifwe ilelo. Munyina ukufuma mu Kentucky, alinjita palwa mwana wakwe umukashana. Ulupwa ulusuma, kabili u—umukashana ali nokutumbulwa, na cifyashi wacaice ne mpwalonda munuma. E ico ifwe—ifwe tulepepa ukutila Lesa ali nokupokolola uyu mwanakashi uwa caice. Ndecetekela Ali no kucita, nga tuli nokucita fye . . .

Ulukuta, ifwe bonse capamo, twampane no kupepelako aba bantu, bonse capamo. Cilya eco tulingile ukucita, nge bumba. Nge fyo . . .

¹⁶ Kabili ilyo inshiku shileya shilepalama no kupalama, kabili ukucepa kwa kashila, ifwe—ifwe tulefwaya ukwisa mupepi capamo. Mwe, ifwe tulingile fye ukuba umo, umubili umo. Ifwe tulingile ukwenda capamo, ukulabako imembu sha umo no mubiye ne fya kupusana fyesu, ukupalama fye mupepi no ku palamana no kupalama, ilyo tulemona bulya Bushiku buleisa. Ukulongana fwebene capamo, bonse mucumfwano no mutima umo. Kabili nga munyina, nkashi afuma munshila, umusango uuli onse, mwicita icintu nangu cimo lelo pepeleleni ulya muntu, kabili mukutemwa, lyonse ukusakamana umo no mubiye. Mwiesha—mwikaleka umo uwa muli imwe ukufumako. Ikaleni capamo. Kabili, nga kuti mwacita, lundeniko ifingi kuli cena, lyonse lyonse, inshita fye yonse.

¹⁷ Munyina Neville, ninkwata icakulomba cobe pano palwa kwa Munyina Wright, Munyina George Wright uwikela muno. Tuli abansansa Munyina Wright na Nkashi Wright, muno . . . Umunono Edith, ine . . . Ubushiku bumo ilyo tukesha, tulefwaya tukakwate ukulongana ukwa kwibukisha ukunono muno.

Nshabwekele pa mulandu wakwa Edith kabili ilyo wene aile. Lelo, Nkashi Wright, iwe uleibukisha iciloto ico akwete nalimo imyaka imo iyapitapo. Kabili nalikwebele lilya, natile, “Cena cili, Edith umunono taikale na ifwe inshita itali nomba,” pantu Shikulu alimwebele kale ena ali mukuya, ukupitila muli cilya ciloto akwete. Kabili naishilekwata ubwilulo ubwa cena, cali, ukutila ena ali nokuya kumanya Lesa. Nalimo imyaka ibili panuma, aile muku kumanya Lesa. Nomba ukulolela ba wisha na ba nyina ukwabuka umushilwa upatukanya, pakati kacifwa ne cishifwa.

¹⁸ Lesa akupale. Ndefwaya ukweshha ukukumona ililine, nga kuti nacicita. E ico Lesa abe na iwe na Shelby, kabili cila muntu. Nacitonkanya nacimona Shelby mu lucelo; nshaciba uwashininkisha.

Iwe tekuti umone bwino nganshi kuno lubali; umutenge uli mwisamba nge fi, kabili cilaleta u—ulubuuto nga filya. Iwe kuti wamona ifinshingwa, lelo tekuti umone abantu bwino nganshi.

¹⁹ Nomba ukuya fye ku Mbila. Iyi ni Mbila ndefwaya ukubelenga ukufuma mu Mpendwa 19:9 na Bena Efese 5:26. Kabili imwe mwe bantu mwebasunga ifyalembwa fye sambililo, kabili na fimbipo, cinshi, imwe kuti mwafilemba.

²⁰ Kabili nomba ibukisheni, nga iyi ileambulwa . . . Nshishibe. Ine tekuti mone nangu umo. Ee, ndecita, ndemoni Munyina Terry mulya mu—mucipinda cakwambwilwamo. Kabili ici ngacileambulwa; kuli bakapyunga abali bonse pa ncende ili yonse, inshita ili yonse, ici tacilesontwa mukukana pela umucinshi ku masambiisho yenu, ici nakuba tacilesontwa ku mpaanga shenu. Iyi Mbila, kabili shonse shimbi Imbila isho nandapo, shisontwa fye kulukuta lwandi. Tashili sha ku lukuta lwenu kano fye balefwaya ukupokelela Yena. Lelo Yena ilepelwa fye kuli aba bantu muno.

²¹ Abantu bashita aya matepu. Abantu ukuciluka isonde balayashita no kuyalisha. Inshita ishingi balalemba kuno. Kabili ine lyonse ndasontelela kuli bena, nga bena ni ba membala ba lukuta lumo, “Mona pastor obe.”

²² Nomba, pastor, ndefwaya iwe ukwishiba ukutila, ukutila, ici cili fye ku lukuta lwandi ndelandako ifi fintu. Kabili nalikwata insambu ukucita cilya, pantu nalibikwa ku Mupashi wa Mushilo ku kulolekesha pali ishi mpanga. Kabili akalanda kuli ine nga nshilebeba ico ndetontonkanya ukuba Icine, kabili umusango ndetontonkanya Cena cileishilamo. Lelo Cena tacili ice sonde atemwa ayashala ama chalichi. Imwe citeni icili conse Lesa alemweba ukucita. Ine tekuti mwasukileko, nangula imwe kuti mwanjasukilako. Lelo ifwe cila umo tulingile ukwasuka ku cinso cakwa Lesa, pali bukapyunga bwesu. E ico kانشi, nga ningile ukwasuka kuli bukapyunga bwandi, ningile ukushimikila Cena mu musango uo ndemwena Cena, mu musango Cena casokolwelwe kuli ine. E ico lekeni cilya cishibikwe nomba.

²³ Nomba mu Mpendwa 19:9, tulefwaya ukubelenga ifi fyalembwa, atemwa ili Ilembo, ntile.

Kabili umuntu uwasanguluka akakuse mito ya ngo'mbe iyo, no kuibika kunse ya nkambi umuntu umwasanguluka, ku kusungila ulukuta. . . (moneni nomba) ulukuta lwa bana bakwa Israele ku kucitako amenshi ya makombela: ya fumya ulubembu iyo ngo'mbe.

²⁴ Moneni, te ku muntu onse, “ku lukuta lwa bana ba Israele; amenshi ya makombela.”

Nomba mu BenaEfese, icipandwa ca 5, no kutendeka na vesi ya 22.

Mwe bakashi, nakileni ku balume benu, nga kuli Shikulu.

Ico umulume e mutwe wa mukashi, ifyo na Kristu e mutwe wa lukuta: pakuba umwine umupusushi wa mubili.

Lelo ifyo lukuta lunakila kuli Kristu, efyo na bakashi banakile ku balume babo mu fintu fyonse.

Mwe balume, te mweni abakashi benu, ifyo na Kristu atemenwe ulukuta, no kuipela pa mulandu waluko;

Nomba ici pano eco ndefwaya ukusosa nomba.

Ukuti alushishe pa kululangulwila ku musambilo wa nenshi mu cebo,

²⁵ Nomba, ifi fyalembwa ifinono muno bushiku, nga kuti na fita ifyalembwa. Kabili ndesubila ukutila abantu muno, kabili nacimbi kunse mukusuntika na kwa balamya, tabasule ci no kutontonkanya ukutila cilepilibula mu nshila iyakukana kwata umucinshi. Nangula, ukusenda ifyalembwa nge fi, kuti caumfwika ukukanapela umucinshi. Isambililo ilyo ndebomfya muno bushiku ni li: *Icacusushilako Umuntu Utontonkanya*. Cilya cileumfwika iceni nganshi kwi sambilisho, kuli kapyunga uyo ususha nganshi ukupepa fwaka, ukusenda isambililo nga lilya, *Icacusushilako Umuntu Utontonkanya*. Caishilecitika, ukuti, ulucelo lumo ilyo naile mukulunga utupale.

²⁶ Nga imwe mwe bantu kunse uko mu—mufilimba, pa mwela, atemwa ukumfwila pali lamy, nga mwacimona imimonekele pa finso fya ulu lukuta ilyo nacibilisha isambilisho lyandi, imwe nga mwacikwata ukuseka palwa cena. *Icacusushilako Umuntu Utontonkanya*.

²⁷ Cisuma, conse cacitike kulya uko ba Malaika bakwa Shikulu bamonekele kuli ine ulucelo lumo, kabili tulyo tupale twalandilwe nokubapo. Imwe bonse muleibukisha ilyo cacitike. Kabili, nacimbi, palya pa mulu wakapili apo naiminine, pali epo. . . Lintu fye takulaba ukushimikila Nshita Sha Nkuta Cinelubali, naleya mukulunga ulucelo lumo ilyo akasuba takalatala. Kulya kwaiminine. . . Natontonkenye akasuba akaletula, nalimo folo koloko mulucelo. Icen; nalimwene lulyo Lubuuto, kabili nalipilibwike, kabili palya paiminine Icacutekapo Inyali Cinelubali ca Golde ukwiminina palya pa mulu wa kapili, pamo necapala mukolamfula wa leisa pa mulu ukupitila mutumisashi no kufumina kunse.

²⁸ Lilya line panuma ya cilya, Shikulu Yesu amonekele kuli ifwe. Kabili lilya line na umfwile Ishiwi ilyo lyasosele, “Yehoba wa mu Cipingo ca Kale ni Yesu wa mu Cipya.” Kabili ulya Ali palya, panuma yakashita, asokolwelwe panuma ya fileye fya Kutekapo Inyali ifya Golde Cinelubali. Elyo moneni cilya. Ni banga abaleibukisha lilye sambililo? Nalililebele kunuma ya—ya kabokoshi ka—ka mpolopolo

ako nakwete mwi tumba lyandi. “Yehoba wa mu Cipingo ca Kale ni Yesu wa mu Cipyu.” Lesa mu Mulu alishiba cilya ukuti cali icine.

²⁹ Ilyo nacilwike cilye cifulo uko Ena amonekele kuli ine pantanshiko panono, palwa tupale.

³⁰ Kanshi ilyo naitile umunandi umusuma, Jack Moore, imyeshi inono pantanshi, ku kwipusha; ilyo natendeke ukushimikila Inshita Sha Nkuta Cinelubali, Ukusokolola 1. Kabili Ena aliminine, ukubuta konse fye; imishishi Yakwe yali nga masako ya mpaanga. Musango nshi Ena, pa kuba nomba imyaka ya kufyalwa amakumi yatatu na fitatu, kabili ukuba uwa buta konse fye? Kabili Munyina Moore, musuma nganshi, uwaishibisha, umwaume Umwinakristu, kabili kasambilila, umo uwawamishapo uo naishiba; kabili atile, “Munyina Branham, ulya ali ni Yesu panuma ya mibele Yakwe iyacindamikwa. Ulya e musango Ena amoneka nomba.” Lelo cilya tacansekeshe ine. Kabili nalitwalilile ukupepa mpaka ubushiku bumo. . .

³¹ Ilyo nshilatendeka Inshita Sha Nkuta Cinelubali, nalifililwe ukusenda cilye cipandwa ca 1 ukuletwa bwino. Musango nshi Umwaume, imyaka ya kufyalwa amakumi yatatu na fitatu, uwabushiwa mu mubili umo wine uo abasambi bamwishibileko Wene, ukumwishiba Wene ukuba; kabili musango nshi Ena engaba pa mulu palya, nalimo amakumi cinekonse konse atemwa imyaka ya kufyalwa amakumi pabula, na masako ayabuta ayengi pa cinso Cakwe, kabili umwefu Wakwe wa buta nge mfula ya buta?

³² Nalibelengele mwi Buku lyakwa i . . . lyakwa Daniele, uko aishile kuli “uwa Inshiku sha Kale, Uo imishishi shali isha buta nga masako.” Elyo nalimwene ulyo wa Nshiku sha Kale. Ena ali wa Nshiku sha Kale cimo cine mailo, ilelo, no muyayaya. Mwamona, cali icilangililo, lilya.

Mulandu nshi amasako ayabuta? Kabili elyo ine. . . Umupashi wa Mushilo wa moneke ukulanda kuli ine palwa cikope namwene inshita imo, pali kapingula wa kale. Lyena nalile mwi lyashi lya kale; nalibwekele mwi lyashi lya Baibele na fyonse, ku kusanga. Kabili bakapingula abakale, nga shimapepo mukalamba muli Israele, ena alingile ukukwata ilye ya buta, imishishi iyapala iya mfwi no mwefu, pantu ukubuta pali wene kwalelangisha ukutila Ena ali ulupaka ulwapulishamo ulwa bakapingula mu Israele.

Kabili nangula ni muli lelo, kabili kulya imyaka imyanda inono iyapitapo, nalimo na imbi imyaka imyanda ya pitapo, atemwa nalimo te kuba nga filya, akale ukucila lilya. Bonse bakapingula ba Cingeleshi, te mulandu ifyo bali abacaice atemwa ifyo bali abakalamba, ilyo baleyamo kukupingula, balefwala ifisote ifya buta; kabili ukulangisha ukutila takuli

amaka yambi, muli bulya bufumu, ukucila pa cebo cabo. Icebo cabo e shintililo ilya bufumu. Ifyo balesosa, fyena e fyonse pali cena.

³³ Kabili nomba, lyena, nalimwene cilya. Palya Ena aliminine kulya, lelo nomba Umwaume uwacaice, lelo nafwala ne cisote icabuta. Ena ali umutuntulu, Ulupaka ulwapulishamo. Ena ali Cebo. Kabili Ena nakwata, nafwala icisote icabuta.

³⁴ Elyo, pantanshiko ilyo twaishilepwisha, kabili i—imbila, kabili naile ku masamba, kabili ilyo ba Malaika bakwa Shikulu bamonekele kulya lubali pa Fikakatikilo Cinelubali, kabili caile mulwelele (ico twakwata icikope ica cena kuno, kabili monse mu calo), palya Ena aliminine palya, acili nafwala ku mutwe na lulyo lupaka ulwa pulishamo. Ena e Mutwe wa Lukuta. Ena e Mutwe wa Mubili. Takwaba nangu cimo icapala Wene, ukuli konse. “Ena alengle ifintu fyonse ku Mwine. Alengele ifintu fyonse ku Mwine, kabili ukwabula Ena nga takwali nangu cimo icalengelwe.” “Ena alikwata ulupaka lonse mu Myulu na pe sonde,” kabili ifintu fyonse Fyakwe. “Kabili muli Wene mwaikala umwisulo onse uwa Bulesa mu mubili.” “Kabili Icebo cali ni Lesa, no kulengwa ubuntunse mukati kesu.” Kabili Ena ali Ulya Uyo uwasokolwele inkama yonse iye pange lyonse ilye pusukilo, ilyo bakasesema bonse na bamano bonse balandilepo. Ena fye eka ali Ulya uwafwele cisote no lupaka ulwapulishamo.

³⁵ Nomba, naliminine, pa mulu walupili ulucelo lumo, camoneke kwati kulya kwali utupale tumo twaleputula kulya. Kabili nalitendeke ukwikala panshi. Kabili nali fye kulya pakashita, ilyo, ifimpusa fyali mupepi na ine, kabili umo umuntu umukalamba umukulu ne mfuti ya milombe ibili iya cintu aishile alenda ukufuma mu fimpusa mulya, kabili alingo wa kupela icintinya mukasuba muli ine. Nalyendele kulya, nalifukeme panshi; nali no mwenso ukusela, ukutina ena kuti andasa. Kabili ifimpusa ukulasunkana, e ico nalikele fye tondolo nganshi.

³⁶ Akapale kalitendeke pa mulu wa kapili, kabili alishishe imilombe yonse ibili na ena. Kabili e ico alikapushile, kabili e ico akapale kaile kulya ku kapili. Natontonkenye, “Nomba nalatalukako, conse cilye congo cileumfwika. Ena nafumyamo impolopolo mu mfuti yakwe.”

Kabili natendeke ukuya kulya kukapili, kabili umwaume alashile fye kuntanshi yandi. Caishile mbweseshu *uku* lubali. Kabili nalitendeke kuno lubali, ukuya ku lubali lumbi, kabili imfuti ya makumi yabili na fibili yalitendeke, kabili ifipolopolo fyalepita pa mulu wandi. Natile, “Mwe, ndi mucifulo icabipa.”

³⁷ E ico nalipilibwike no kuya kulubali lwa mu mana. Kabili natontonkenye, “Nalaya kuno lubali no kufisama mpaka

bapwishe, pa kutila ningafumamo.” Kabili mulya mukati ka nshila, nacitile ngo ulelenga. . . Amano yandi yaposelwe ku kulolekesha ku kulubali lwa ku kulyo kwandi. Kabili, ilyo nacitile, kulya kwaliko akapaketi kafwaka umushali kantu ako umo muli bena aposele, mukubutuka konse ukwa. . . ilyo utupale twaleya ukupita mu fimpusa.

³⁸ Kabili nalisendele aka kapaketi kamo akafwaka, kabili kalemoneka. . . Nshakabulile; njeleleniko. Nalilolekeshe pali kena. Nshakabulile, pantu nshatemwa icena ca fintu, icakubalilapo. Kabili nalilolekeshe kulya, kabili cena cali ni—nikampane imo iya fwaka ico ndemona nshilingile ukulumbula ishina lyabo, lelo muli no kwishiba. Casosele aciti palya, “Icacusushilako ca muntu utontonkanya ne misondele ya muntu upeepa.”

Nalilolekeshe pali cilya cintu, kabili natontonkenye, “Icacusushilako ca muntu utontonkanya?” Natontonkenye, “Ngo muntu kuti atala ukutontonkanya, ena tekuti apeepe nakalya. Nga kuti caba shani ‘Icacusushilako ica muntu utontonkanya?’ Umuntu utontonkanya tekuti apeepe nakalya.” Cisuma.

³⁹ Nomba, natontonkenye, “Ifyo cilya caba icakubepa!” Nomba, tulya twampane utwa fwaka tulingile ukuba utwa America. Kabili owe, nga twaikala ku mafunde yesu, ifwe kuti twabomba ukwafwilishanya umo no mubiye, nga natukwata ukutemwana umo no mubiye. Kabili ifyo caba ica bumbimunda! Umulandu nshacilumbwila ishina lya kampane, ningile ukusose fintu fimo ifyabipa palwa bena. Kabili ifyo uuli onse engaba uwa bumbimunda, ku kupange ndalama?

⁴⁰ Umuntu utontonkanya takapepe nakalya. Lelo ifyo icintu bwingi ca America cikonkelesha cilya; bena batontonkanya ukutila cilya caliwama!

⁴¹ Nomba lolekesheni, imwe tekuti, imwe tekuti. . . Ipusheni uuli onse, uwafya science, imwe muli. . . mulefwaya. Imwe tekuti mukwate icushi ukwabula tala. Ngakuliko icushi cimo icinono icilefuma, ilya ni tala. Kabili nga tamulekwata icushi, cisuma, imwe ta mukwata tala nangu imo, kabili imwe tamukwata icintu nangu cimo. Imwe mulekula fye aka muti akauma. Lelo ilyo lyonse ilyo mulekwata icushi cimo tutile, imwe muleletamo impwalonda, nicotine.

⁴² Nga mwali na ine umwaka wa pwile, atemwa ulyo umwaka umbi, ndecetekela cali, ku Cilangisho ce Sonde, lintu Yul Brynner na bonse balya bali kulya pa fyakulangisha, kabili mwali bamwene ukusenda ilya fwaka, ukuibika mu cintu cimo, no kuipisha ukucilinganya pa ciputulwa ce libwe lyabuta. Kabili ulya doctor ukusenda ica kukamishako, ukukukulusha palya no kusenda nicotine ukufuma pali cena, no kuibika panuma yakwa kwindi uwa buta, no kumubika muli

kasalanga. Kabili cile nshiku cinelubali bali mufumishe. Kabili kwindi ali uwaisulamo nganshi impwalonda alifililwe ukwenda, ukufuma kuli nicotine ukufuma mu mushanga umo.

⁴³ Elyo alisosele, “Namwishiba, basosa ukutila imwe kuti mwakwata yena ukupitila mucisushilo.” Atile, “Imwe tekuti mukwate icakusushilako...Cakusushilako icili conse ico cingafumyapo nicotine, cilafumyapo icushi,” atile, “pantu mulingile ukukwata icushi...ukukwata tala ukupanga icushi, kabili caba ni tala uyo upela impwalonda.”

⁴⁴ Elyo kabili alile, aiputile ukupita mu menshi, kabili atile, “Inshita shimo mulatontokanya kuti mwaisusa ukuipisha.” Atile, “Cila nshita, ukutila, te mulandu uko muleiputula.” Atile, “Batila, ‘Nshiiimina,’ kanshi kuibika mukanwa kabo no kuifwisa.” Elyo asendele cilya no kucipomba, no kucibika pe samba lya cintu cimo kulya, no kulangisha ukutila nalyoline cali n impwalonda. Ni cinshi ico mulecita? Ukuimina palya pene pa mukolomino wenu. Mwamona? Kabili te mulandu ifyo mulecita, nalyo line ni mfwa. Mwamona?

⁴⁵ Kabili elyo ukutontokanya ukutila kampane kuti yabepa umuntu nganshi, atemwa ukwasha ukubepa abantu babo bene. Caba kwati li kubi ukwikalila ifyabo, mu musango wa fiko. Ukupanga indalama, ukushitisha imfwa, u—ku calo, kabili kubaume abacaice. Kabili ukuya kulya kunse ku ntanshi ya bulwi no kubafwila, elyo ukupilibuka no kushitisha icintu ca musango ulya, ukupitila mukubepekesha, “Icakusushilako ca muntu utontokanya, lelo ukusonda kwa muntu upeepa.” Imwe mulingile ukukwata icushi ukuti mukwate ukusonda. Mwamona? “Ukusonda kwa muntu upeepa”?

⁴⁶ Ifya bantu bawila cena, nangu cibe fyo! Balacisenda. Nomba, caba ukubepa imwe ukucilapo. Mwamona, cena cakwa ciwa. Bena tabasakamana pa bumi bwenu. Bena tabakwata icitemwiko pali imwe. Bala mushitisha filya fintu ukumulolekesha fye imwe mulefwa, cikulufye balekwata indalama.

⁴⁷ Kwati mapolitiki ne nkondo. Nshacetekela mu nkondo. Nshilecetekela ukutila ifwe bonse tulingile ukutala ukukwata inkondo.

Nalicetekela mu Bufumu ubukalamba ubo Lesa aleleta, ubuyantanshi ubukalamba ubo bukaletwa panshi ukupitila mukuteka kukalamba Kwakwe Umwine; takwakatale ukubako inkondo naimbi; inko tayakemye imifwi pa nko shibiye. Kukaba konse umutende, umutende uwa Muyayaya.

⁴⁸ E ico ubuyantanshi bwa uyu musango bulaleta inkondo. Kabili ilyo tuleya mubuyantanshi nganshi, muli ci, tulakwata inkondo ishing. Umo ukwasha ukuba uwabuyantanshi nganshi ukucila umbi, kabili ubuyantanshi ubwa cilamo bulapanga inkondo ishing. Mwamona?

⁴⁹ Kabili lolekesheni cinshi, muli ubu buyantanshi, ukutila umuntu kuti abika icintu icaba nga filya. Kabili icintu fye cimo cicita, ci mubepa fye ukulenga imwe ukushita fwaka na imbi ingi. Pantu umuntu nga apeepea fwakwa. . . Kabili ndecetekela yena yakwa ciwa, kabili kwaliba ciwa uwa nicotine mu mwaume kabili, atemwa umwanakashi. Kabili nga mushanga umo uli no kwikusha ulya ciwa wa nicotine mpaka ali no kumusha mweka no kuleka ukumulunga, no mushanga umo. Kabili elyo mukasende icakusushilako, cilapisha fye cimo pali fitatu ica cilye cushi ukupita mulya lyena, atemwa cimo pali fitatu ica ulya nicotine ukupita mulya, lyena cikasenda imishanga itatu ukusenda icifulo ca ulya umo, kabili imwe mukapeepa itatu pali umo.

⁵⁰ Mwamona, caba fye i—imibombebe, ubucenjeshi, imibombebe ukweshwa ukushitisha imishanga. Bena kuti bashitisha ingi muli ulya musango ukucila ifyo benga cita pa kuleka fye umuntu ukupeepea fwaka yonse mu mpaipi yakwe, atemwa mu mushanga wakwe. Nomba, mwamona, wene wakwa ciwa.

⁵¹ Ilyo naiminine kulya ukulolekesha pali cena, no kutontonkanya ifyo cena cali ica bucenjeshi, ilipusho lyalishile kuli ine. Kabili nalikonteme nakabili, ukulolekesha pacipaketi nakabili, kabili ine. . . camoneke fye kwati icintu cimo casosele kuli ine, “Lelo insoselo ili fye bwino, ‘icakusushilako ca muntu utontonkanya, imisondele ya muntu upeepea.’” Caishile kuli ine ukuti bulya ubucenjeshi, na bumbi, mu ciputulwa ca cifyalilwa mulya muli fwaka, cabe cintu cimo mubutantiko bwa ma chalichi ilelo, mwamona, ubucenjeshi.

⁵² Caisaba mpaka isonde lyonse lyaba ukulembeleka ukukalamba kuli cilya icili ica cine nganshi kabili icili icalungama. Mwamona, nangula mu ma politikiki, kabili mu fya mangalo, mu masukulu, mu fintu fyonse, caisa mukuba ubucenjeshi.

⁵³ Umulumendo alenjeba ubushiku bumbi ukutila ali ku nkambi ya bashilika, kabili umushilika uwa caice ba li mupunkile ku cimbayambaya icikalamba; ba pwapwa bakwe, ulufumo lwakwe, atemwa fyonse ifyo cali, kucenekwa. Kabili balile kucipatala; bena bakwete batatu atemwa ba doctor bane abaiminine kulya mu mulongo, kabili cila umo ukwiminina mu mulongo. Kabili babili atemwa abashilika batatu balikatilile umunabo, kabili wene alefilwa ukupema. . . Cila nshita nga apema, lulyo lubafu kuti lwashimpa fye mulya mwine muli ba pwapwa bakwe, kabili cilya calemulenga ukusuma umulopa mukati. Kabili balilekeleko ulyo mulumendo ukwiminina kulya muli ulyo mulongo, kulya kunuma ku mpela ya mulongo, kabili no kubaleka, bamo muli balya abalumendo ukwabula nangu cimo kano fye ukukalipwa kwa kutwi atemwa icintu cimo, ukuya pantanshi.

⁵⁴ Kabili pali ilya nshita ali fikile kulya, umo colonel alishilemo na kamwana akanono ako akakwete ifyakufuluma, umulumendo wakwe umunono atemwa umukashana alikwete ifyakufuluma pa kuboko kwakwe. Kabili baliminike ulyo mulongo, ukuletamo umwana wakwa colonel, kabili ulyo mulumendo uwacenekwa, ukulafwa. Mwacimone co.

⁵⁵ Owe, nga ulya colonel ngalikwete ukutemwa ukwine kwine pali munyina kunse kulya mu mulongo, ena ngalisosele, “Uyu mwana kuti alolela. Leteni ulya mwaume muno bwangu bwangu, mucitleni icintu cimo!”

⁵⁶ Lelo cila muntu afwaya ukulangisha amaka yakwe. Nomba, bena bonse tababa nga filya; iyo, bena bonse tababa filya. Lelo kwalibako abengi nganshi ababa filya. Kwabako abengi nganshi muli bena ababa filya. Lelo umwaume, icintu fye ena aletontonkanyapo, cali umulumendo wakwe umunono uyo wakwete ifya kufuluma pa kuboko kwakwe, kabili ukukana tontontokanya pali ulyo mulumendo umunono uwaiminine kulya uwashonawilwe pesamba lya cimbayambaya, icimbayambaya cine kabili nalimo umulumendo wine uyo wingapususha ubumi bwakwe ubushiku bumo kuntanshi ya bulwi. Mwamona, bena tabeminina ukutontonkanya; kano fye palwa bo abene.

“Icisushilo ica muntu utontonkanya.”

⁵⁷ Nalolekeshe pali cena, kabili natontonkenye, “Cena cintu cimo kwati i—ifilonganino ifyelelo, inkuta isho twakwata.” Cila cimo ica fyena calikwata ica kusushilako cabo abene; bena balikwata umusango wabo abene uwa cisushilo. Bena basuminisha fye ico cingesamo ico balefwaya ukucita, kabili ne cishilingile ukwisamo; ifyo bengasushila mukati no kusushila kunse, no musango wabo abene uwacisushilo. Bena balasuminishafye ubwingi ubwe sonde ukwisamo ku kwikusha abashacetekela abali mulya. Bena balasenda te mulandu ifyo baba, nga na bakwata indalama. Bena balabasenda te mulandu ifyo baba, nga balilumbukwa.

Lelo kwaliba icintu cimo palwa cena, imwe tekuti mwingile mu Lukuta lwakwa Lesa nga filya; te cilonganino nomba, ndepilibula ulutuntulu, ulwine lwine Ulukuta lwakwa Lesa.

⁵⁸ Kwati twampane twa fwaka ilelo, abantu abo abesa muli ishi ishitwa inkuta atemwa ifilonganino, balikwata imisondele, kabili kulyo kusonda kwa mangalo ye sonde. Kabili cila cilonganino calikwata icisushilo cabo abene, kabili balasushila kunse bonse Abenakristu aba cine abo abengasosa “ameni” ilyo ena aleshimikila; no kuletamo ababeye mishishi, ba Yesabele aba penta ifinso abali mu calo, cikulu fye bali fye abalumbukwa. “*Kampanda-na-kampanda* esa ku lwesu... kangala wa pa fikope, umuntu umukalamba.” Ulya e musango wa cisushilo ico babomfya. “Icilonganino cesu. *Kampanda-na-*

kampanda, kateka, atemwa co—atemwa colonel, atemwa umo muntu aba ku cilonganino cesu.” Mwamona umusango wacisushilo babomfya? Cilye cisushilo, mucine, caba ce sonde, abantu abe sonde.

⁵⁹ Abantu, balishiba ico balefwaya. E ico nga balefwaya ukusenda ifyo balefwaya, lyena bali no kukwata umusango umo uwacisushilo, kabili ubwingi ubwe sonde ukulandilamo, ku kwikusha imisondele yabo iye sonde. “Icisushilo ica muntu utontonkanya, imisondele ya muntu upeepa.” Icisushilo ice sonde ilya bukapepa, kabili imisondele iya muntu uwe sonde.

⁶⁰ Bafwaya ukuba ba kapepa. Bena batontonkanya ukuba balingile ukuba bakapepa, pantu balikwata umweo.

⁶¹ Ilyo twaishile intanishi muli cino calo, mwasangile ba Nsamy balepepa utukasuba kabili na fimbipo, pantu (cinshi?) ena muntunse. Ifwe nga twabwekela kulyo kutali mu mitengo ya Africa, tulesanga abekala calo ukushinshimuna icintu cimo. Cinshi? Bena bantunse, kabili balefwaya, balingile ukupepa.

⁶² Eico umuntunse, te mulandu ifyo aba uwawa, ena nalyo line alishiba kwalibako icintu cimo ku cifulo cimo. Lelo alikwata imisondele imo iya fye sonde, ica kutila ena tekuti asende ica kusushilako icalungama. Ena alingile ukukwata icisushilo ica kupanga umwine. Cila umo ukupanga umusango wabo abene uwa cisushilo.

⁶³ Cila kampane ya fwaka ilaitakisha pa fyabo, ifyo benga cita, “Icisushilo icituntulu! Ici e cisushilo icawamisha! Bonse pantanishi!” Kabili fyonse nga filya. Batila, “Imisondele ifumamo,” atemwa icintu cimo, “ukufuma pantanishi.” Owe, mubusuma. “Pantanishi”? Inga icili kunuma ya mpela ya cena ni cinshi, nangu cibe fyo? Cena mucine tacili umwaume utontonkanya atemwa umwanakashi utontonkanya. Lelo filya eflyo basosa, ukubepa fye abantu.

⁶⁴ Nomba tulesanga ukuti, mu bushiku bwesu, ukutila abantu balikwata imisondele. Kabili mulandu nshi umuntu apeepepa fwaka? Cakwikusha imisondele. Cinshi ico mwanakashi apeepepa fwaka? Ukwikusha imisondele.

⁶⁵ Kabili elyo ngo lukuta lwali tontonkanyapo, ibumba lya bukapepa, bena . . . ukusenda abantu mulya, bena balingile ukukwata umusango umo uwa cisushilo cimo ukupela abantu imisondele iyo balefwaya. E ico nga tabalekwata ukusonda ukuli konse uko balefwaya, bena tabafwaya umushanga. Kabili nga bena tekuti bakwate ukusonda uko balefwaya muli bukapepa, bena tabasumina bukapepa. Nomba, palwalala nge fyo cingaba.

⁶⁶ Abanakashi na bakaputula, imishishi iya beyewa, ifinso ifyapentwa, imifwalile ya bulalalale, bena balafwaya cilya. Balitemwa cilya.

⁶⁷ Nge fyo nacilanda ulucelo mu i...ulucelo lumbi pa Mulungu, muli ulyo mupeto mukati ka mupeto, atemwa ulyo unono umweo uwa mukati ka mupashi. Ifyo kutila umupashi kunse, pakati ka mweo kabili no mubili, kuti waba mucine uwasubwa na Mupashi wa Mushilo. Bushe imwe bonse mwaliwike cilya? [Ulukuta lwatila, “Ameni.”—Ka.]

⁶⁸ Nomba ukukonka cilya pamo no kutwalilila ukwa Mbila, *Umulungu Uwaili Sonde, Abo Abasubwa Mu Nshiku Shakulekelesha*. Ulyo wakunse, kalya kashilwa kapakati...Icishilwa ca ntanshi caba a—amano ya muntu. Icishilwa ca cibili caba amano ya mupashi; ukufwaya, ukuifwaila, ukukabila, kabili na fimbipo. Lelo mukati caba umweo; ulyo mweo walilingilwe kabela.

E ico, bena kuti basuba uyu mupashi ukulenga umubili wa kunse ukwisa mukunakila ku mupashi. “Lelo umweo uyo ubembuka, ulyo mweo ukafwa.” Umweo uyo ukana, mukukana cetekela, Icebo cakwa Lesa, ico caba iciputulwa, ulyo mweo ukaba Umuyayaya...naucita, lyonse.

⁶⁹ Nalicetekela mu mfwa iya Muyayaya, umusango umo wine nge fyo nacetekela mu Mulu uwa Muyayaya, lelo te kumbo ukwa Muyayaya. Takwaba icintu ca musango ifi nga kumbo ukwa Muyayaya. Kwalibako imfwa ya Muyayaya ku bantu abo abali...Abengi muli bena, bakapepa, mwi sonde ilelo, bena lyonse baba abafwa.

⁷⁰ “Umwanakashi uwikala mu mangalo,” ne mishishi yakwe iya beyewa ne cinso icapentwa, “aba uwafwa ilyo acili no mweo.” Baibele eflyo yasosa. Mwamona? Mwamona, ena kuti aba uwa bukapepa, lelo ena tatalile ukupusushiwa. Ena alikwata ifya kumfwa umfwa ifya kunse. Ena kuti aimba mukwaya, atemwa kuti ashanina mu Mupashi, ena kuti alandila mu ndimi, kabili no kukwata imimonekele yonse iya Mupashi. Lelo kano fye ulyo mweo mukati waba umwana mwanakashi wakwa Lesa, mwamona, ena ninshi capwa, te mulandu ifyo acita.

⁷¹ Israele ali kunse konse uwa bumupashi, uwaisushiwa onse no busuma bwakwa Lesa, kabili ifyo bacindike Lesa, kabili nafimbipo, lelo cilya tacabombele. Mukati ka bena tekuti beshibe Icebo Icine.

⁷² Lelo ilyo mwafyalwa ku Mupashi wakwa Lesa, lyena na mukwata i...imwe muli umwana wakwa Lesa, kabili imwe lyonse mwali umwana wakwa Lesa, kabili imwe lyonse mwakulaba umwana wakwa Lesa. Takuli inshila yakucipatulwilako, pantu cena cili...imwe na mukwata Umweo wa Muyayaya. Kabili Umuyayaya tawatalile ukutendeka; nangula ukutala ukupwa.

⁷³ Owe, ku nkumbu shakwa Lesa, ukutula Ena engatupela ukwiluka ukwankama ishikalamba isha musango ifi! Nge fyo

Paulo alandile apa, ukuya pantanshi mu Bena Efese, ukulanda pa mulume no mukashi, kabili atile, “Iyi ni nkama,” ifyo abanakashi balingile ukucindika abalume babo. Nangula ni mucifulo ica bubili, ndecetekela cili, Baibele yonse, apo umucinshi watalile ukulandwapo. Atile, “Abanakashi, pa kumona alecindika umulume wakwe, alecindika umulume wakwe.” Lyena umulume alingile ukwikala ubumi ubwa musango filya ku cinso ca mukashi wakwe ica kutila umukashi wakwe kuti amupela umucinshi ngo mwana mwaume wakwa Lesa. Kabili nga tekala ubumi bwa musango filya, cisuma, lyena, mucine, wene tekuti amupele umucinshi, pantu alishiba ifyo wene apangilwako. Lelo nga cili ku mwaume uyo wa ba umwaume uwa mucinshi, uwa mucinshi kabili uwasanguluka, no mukashi wakwe kabili ku cinso ca lupwa lwakwe, umubomfi umwine mwine uwa kwa Lesa, lyena abanakashi, abana, kabili bonse, balingile ukupelo mucinshi ulyo mubomfi wakwa Lesa, nakatina.

⁷⁴ Nomba moneni. Umwanakashi, bena bafwaya ukukwata imishishi iya beyewa. Bena bafwaya ukufwala bakaputula, ukupenta, ukuiwaminisha. Utu tuputula utwafyenta ne fintu ifyo bena—ifyo bafwala shino nshiku, bena balafwaya ukucita cena; kabili nomba bafwaya ukuya ku chalichi. Mulemona kulyo kusubwa pa mupashi, te pa mweo. Mwamona?

⁷⁵ Atila, bafwaya ukuba Abenakristu kabili na cimbi ukucita ifi fintu, kabili pastor asosa ukutila cili fye bwino. Kanshi nga sosa kutila cili fye bwino, “Imwe kuti mwaba ba membala; ishina lyenu kuti lyaba pe buku lyandi ilya lukuta pano; cena cili fye bwino,” kanshi ena alemupela icisushilo cakwe ica cilonganino ku kulinga imisondele ye sonde iya mwanakashi. Wene alitemwa isonde; wene alitemwa imisondele ya yena. E ico Ena alikwata icisushilo ica kuli wene, lelo wene ali ukutali nganshi ukuba umwanakashi utontonkanya. Lelo mwacimone ci. Palya epo nasangile ilisambililo.

⁷⁶ Iyo, ena tali u—umwanakashi utontonkanya. Nga wene alेतontonkanya, wene ngalishibe ukuti ulukuta talatwamupingule pa Bushiku bwa kulekelesha. Ulukuta lulepingula wene nomba kuli bumembala bwakwe, bucishinka bwakwe mu fishilwa ifyo abako na mabumba. Bena balepingula wene nomba kuli cilya. Lelo Lesa ali no kwisa pingula wene pa Bushiku bwakulekelesha. E ico wene talेतontonkanya.

⁷⁷ Kwati fye umuntu uyo ulepepa fwaka; ena alitemwa umushanga bwino nganshi mpaka imitontonkanishishe yakwe yaliba iyanashiwa nganshi na nicotine. Kabili ifyakukabila ifya mwanakashi fyalinasha nganshi imitontonkanishishe yakwe mpaka wene akacita ifi fintu ifyaba ifyabipa mu cinso cakwa Shikulu, pantu wene alefwaya ukucita; cilekusha imisondele ya mwanakashi

uwe sonde. E ico wene alasenda icisushilo icalukuta lwe sonde; wene alapita fye muli cena, bwino, ukwabula nangu cimo ica kucusha. Ukulangisha. . .

⁷⁸ Nomba tulemona kulya cilya Cishinka. Kabili pastor atila, “cilya cili fye bwino. Ifwe tatwebaula abanakashi pa kucita cilya. Cena cili fye bwino.” Kwalibako ulubembu ulwingi muli cena; cilya kupitila mucisushilo cakwe. Cilangisha ukutila bena balipita mu cisushilo ca masambililo ya fya bulesa. Kabili bena balikwata imisondele iya masambililo iya fyabulesa; kabili balikwete imisondele yafya masambililo ya fya bulesa. Kabili cena mucine tacapitile mu Cakusushilako cakwa Lesa. Iyo, mukwai.

⁷⁹ Nomba, nga kuliko icakusushilako ca fya masambililo ya fyabulesa kutontokanya wafyabulesa, kabili kwaliba icakusushilako ca lukuta utontokanya wa lukuta, icisushilo icamushanga kuutontokanya wa mushanga, kulingile kwabako icakusushilako icintuntulu ku cifulo cimo kuutontokanya bwino. Kabili Lesa alikwata Icakusushilako, kabili cilya Cebo Cakwe. Cena ni kapatulula, pantu cena menshi aya kupatulwilako aya lubembu. Nomba, ulya e muntu utontokanya atemwa imisondele ya muntu wa mushilo.

⁸⁰ Kabili ngo muntu apita mu cakusushilako ca uyu musango ice sonde, ena—ena nakwata imisondele ye sonde. Kabili nga kampane ya fwaka, ena alasenda ba membala abengi mulukuta lwakwe pa kusunkila bena ukupitila muli ici cakusushilako. Nga bena batila, “Kwaba abanakashi abengi abaya ku chalichi ukucila ifyo caba ku baume.” Ico kuti caba ifyo. Nomba, cilya nakabili na co kuti caba icine, ilyo wene engaya no kuya cita icintu icili conse alefwaya ukucita. Cilya cishinka. Wene ali nokucita, wene ali no kuilunda ku cintu icili conse, lelo wene alipitile muli cilya icakusushilako ica lukuta. Nga wene alipitile mu Cakusushilako icakwa Lesa, wene nga aishilefuma uwapusana ukufuma kuli cilya. Mwamona? Wene tekuti apite mu Cakusushilako icakwa Lesa no kwisafuma ne mishishi iyabeyewa. Wene tekuti acicite fye.

⁸¹ Nomba ici cili nokuba i—icalulako panono nalimo ku muntu umo. Lelo ilyo wene atendeka ukupita mu Cakusushilako cakwa Lesa, kabili Citila mulya kuli bena ukukana beya imishishi yabo, kanshi, (cinshi?) ena alekala ku lubali lumbi. Nga Cena casosa ukuti cena lubembu ku mwanakashi ukucita ica musango filya, kabili ali uwa musebanya ukucita filya.

“Nga lefwaya ukucita,” atila, “cisuma, ena alingile ukubeye mishishi yakwe.”

Atile, kanshi, “Uku ibeyako kanshi.” Kabili atile, “Ifwe twalishiba ukutila cilya cansoni ku mwanakashi ukubeya ku mutwe.” Atile, “Kanshi lekeni ena afimbane ku mutwe

wakwe.” Kabili imishishi yakwe yaba icakufimbana; te cisote, na mayo. Imishishi yakwe e cakufimbana cakwe, eflyo Baibele yasosa. Cisuma. Cilangisha wene mwina Nasili kuli Shikulu. Imishishi itali, ku mwanakashi, cipilibula Umwinanasili kuli Shikulu. Nomba, tulesanga cilya cena cishinka.

⁸² Lelo tulesanga ngo muntu utontonkanya, uyo witwa ukuba mwi sonde, kuti apeepe kabili nalyo line ukukwata imisondele yakwe, ena alingile ukukwata amano ayalinga ukwishiba ukutila ena alesenda tala ukufuma kuli fwaka. Lelo cena fye, ni cinshi ico cicita, ku mushitisha ingi, ukumulenga ukushita imishanga ingi.

⁸³ Kabili icakusushilako ica lukuta cilasenda bu membala ne fintu nga filya ilyo babaleka ukupitamo ne cintu icili conse kabili nalyo line ukuba ku lukuta, balakwata ba membala abengi. Nga kutila twalile ku machalici muno bushiku no kusushila uuli onse kunse kabo abali Abenakristu aba cine abafyalwa ne Cebo. Kutu kwaba ukubila ukushilimo kantu pa cibumba muno bushiku, cena cishinka, pantu calile ukupita mu Cakusushilako.

⁸⁴ Kabili nga ni nkwata ukukabila kumo mu mutima wandi, kabili ndesubila cila muntu uyo uleumfwa kuli ine nakwata icintu cimo cine, “Lesu, nsendeni mukupita mu Cakusushilako Cenu.” Nge fyo Dabidi asosele, “Njesheni, no kunshinkisha, kabili moneni nga kuliko ububi ubuli bonse muli ine, lyena bufumyenino, Shikulu.” Mwamona? Ndefwaya Icakusushilako cakwa Lesu. Nshilesakamana ifyo isonde lilecita, ifyo lukuta lwakwata; ndefwaya ukuba umuntu utontonkanya, ukutontonkanya Uo ndi no kwisa imininako bumo muli ishi nshiku, ku Bupingushi.

⁸⁵ Moneni, kampane ka fwaka kalacicita ukushitisha imishanga iingi; ulukuta lulacicita ukukwata ba membala abengi. Umwanakashi ne mishishi iipi, ukufwala bakaputula, kuti aikatwa mu Cakusushilako cakwa Lesu. Wene tekuti aye ukupita muli Cena, ne mishishi iipi, pantu Baibele isoso kuti wene tekuti acicite. Wene alasebanya umutwe wakwe ilyo acita cilya. Ifwe tulingile ukucishiba. Lelo wene alaya ukupita fye mu lukuta bwino, bonse abashala muli bena. Ndeminina inshita shimo . . .

⁸⁶ Tekusussha nangu umo; nshilanda pa lwandi pa muntu uuli onse, lelo cena lubembu mulukuta. Imwe mulapela ubunte pali cilya. Nshasosele, “Miss *Kampanda-na-kampanda* aba *ifi-ne-fi*, atemwa Mr. *Kampanda-na-kampanda*, atemwa Rev. *Kampanda-na-kampanda* aba *ifi-ne-fi*.” Iyo, mukwai. Ndetila ulubembu lwaba lubembu. Nga luli mulupwa lwandi, nga luli muli ine, luli muli onse nga ni ani, nalyo line lucili lubembu. Te muntu palwakwe, nshilanda ukusussha umuntu umo umo. Nanda ukusussha ulubembu. Nshilesakamana nga

luli muli ine atemwa onse nga nani, kutendeka ukupita mu Cakusushilako cakwa Lesa, ulubembu ululi lonse lukamwiminika palya pene.

⁸⁷ Moneni. Lelo umwanakashi uyo ufwaya ukukwata imishishi iipi no kufwala bakaputula, atemwa ukupenta kalaso ne cintu icili conse, ena kuti aya ukupita mu cakusushilako ica Pentecostal icaanguka fye nga pie, tapali nangu cimo palwa cena, ukuya fye mu mfwa. Pantu, ena i. . . Wene atile, “Cisuma, takuli icakucena muli cilya.”

“Nga walitemwa isonde atemwa ifintu fya mwisonde, ni pa mulandu ukutemwa kwa kwa Lesa takwaba muli imwe.”

⁸⁸ Mukati ka uyu mupashi, lyena, wene kuti atintila mukati ka mweo wakwe, ifintu ifishili ifyakwa Lesa kabili ifisusha Icebo cakwa Lesa, nga ilya emisondele ili mu mweo. Cena kuti caisa ukupitila mukusonda; *ukumona*, *ukusonda*. . . Cena kuti caisa ukupitila mu *mano*, ukupitila mu *kutontonkanya*, “Takuli ububi muli cena. Ninkwata ukusonda. Ninkwata imyumfwile. Ndeumfwa ici cili fye bwino.” Wene kuti aisa ukupita fye muli cilya, kabili ukuya fye mu mweo wakwe, ngo mweo wakwe uli uwa ulyo musango. Cilelangisha ukutila wene talekula ukupitila mu Cakusushilako icakwa Lesa.

Lelo nga nakwata imishishi iyabeyewa, ukupenta kalaso, bakaputula, utwa mukati, ukumoneka nge fya mwaume, yonse aya matoloshi na fyonse ifyo bafita; ukusosa ifintu fya musango ulya, no kucita filya fintu, no kwikalila isonde, wene akeminina; wene tekuti apite Mulya. Iyo, mukwai. Cili no kumwiminika pa ntendekelo.

⁸⁹ Moneni, umwaume ukulolekesha pa milomo yakwe iyaemba iyakashika ne cinso icapentwa, na bakaputula kabili—kabili bikin, kabili conse ico akwata; umwaume utontonkanya umutuntulu takalolekeshe pali wene. Nomba, umwaume uyo uuli membala wa lukuta akalolekesha pali wene, ukumukumbwa. Lelo nshilesakamana ifyo amoneka ku linso, umuntu utontonkanya akapilibula umutwe wakwe. Cinshi? Ena alipita mu Cakusushilako cakwa Lesa, kabili alishiba ukulolekesha pali wene caba bucende mu mutima wakwe. Ena tatontonkanya wene aliemba.

Mwatila, “Bushe wene te cintu icaemba!”

Iyo kuli wene tacili fyo. Wene cintu icilemoneka icakowela, uwa nkumba bulili Yesabele umulanda, ku muntu utontonkanya. Umwana mwaume wakwa Lesa alolekesha pali wene ne nsoni icakutila ena aba na kulupwa ulo abako. Cilya cishinka. “Musango nshi ulya engaba nkashi yandi nokucita nga filya?”

⁹⁰ Mwamona, wene alipitile mu cakusushilako cimo, kabili nao aishile ukupitila muli cimbi. Ena takatontonkanye ukutila ena aliemba, awe nakalya. Kulya te kuemba ku muntu wakwa Lesa umwine mwine.

⁹¹ Ibukisheni, inshita imo lintu Umulopa wakwa Yesu Kristu waishileba Icakusushilako, nge fyo twalaisa kuli cena mu ma miniti ayanono, “Abana baume bakwa Lesa balolekeshe pa bana banakashi ba muntu, ukutila bali abawama, kabili bali babulile kuli bena nga bakashi.” Lesa tatalile ukuba balelo luse cena. Nakabili calicitike, mu bulendo bwa kwa Israele, kabili Lesa tatalile ukubabelelo luse, kabili cila umo balyonaike.

Icakusushilako ca muntu utontonkanya!

Naishilefuma mukulongana kuno; kwaliko ricky umunono uwaiminine kunuma kuno kunuma ya chalichi inshita imo iya bushiku, atile kuli ine, nalimo itatu atemwa imyaka ine, atile, “Umulandu mulesosela cilya, iwe uli muntu umukote.” Atile, “Ndetontonkanya balemoneka bwino.”

Natile, “Kuti naelenganya cilya.” Ukufuma fye mukumoneka kwakwe, imwe kuti mwasosa ifyo ena alemoneka. Natile, “Leka nkwebe icintu cimo. Uli ne myaka inga?”

“Nalimo imyaka ya kufyalwa amakumi yatatu.”

⁹² Natile, “Ilyo nali ne myaka ikumi limo na fisano umwaice ukucila iwe, naletontonkanya icintu cimo cine.” Cisuma. Kabili cena cicili fiko!

⁹³ Icakusushilako ica muntu utontonkanya! Nomba moneni, nga ena aba, amano yakwe yalikuswa ukupita mu Cebo cakwa Lesa, Icakusushilako cakwa Lesa, ena takalolekeshe pali wene. Ena takatontonkanye ena aliemba; ena akatontokanya ena ni Yesabele. Ena akatontonkanya, kunuma ya ilye milomo iyakashika kwaba ameno ya bwanga ayo ayenga musuma. Kabili Baibele itila, “Impongolo shakwe ni mpongolo sha kumbo; kabili umwaume engila muli shena nge ng’ombe ileya mukwipaiwa kwaiko. Cilya Icakusushilako ca muntu utontonkanya.

⁹⁴ Ni cinshi ico mulekabila? Ilyo mwanakashi aisa aleenda mu musebo na fwala nga filya, kabili iwe we mwaume ula pilibula umutwe obe, ukutamba nga filya, iwe taulebomfya Icakusushilako ca muntu utontonkanya. Pantu, ilyo wacita cilya, iwe ulecita ubucende, pantu Icakusushilako citila, “Uyo onse ulolekesha pa mwanakashi ukumukumbwa nacita nankwe kale ubucende.” Pilibula umutwe obe, we mwaume utontonkanya. Taluka ukufuma kuli wene. Wene taemba. Wene ni nsoka; cilya cishinka, alaisunsha nga imo, alacita nga imo, alasuma nga imo. Taluka ukufuma kuli wene.

⁹⁵ Owe, ee, Icebo cakwa Lesa Cakusushilako ca muntu utontokanya. Uuli onse alishiba cilya. Cilya eco umweo wenu wasushilwako, Icebo cakwa Lesa. Kabili Cena cilapanga, ilyo mwaisa ukupitila muli Lesa. . . Ilyo muntu utontokanya aisa ukupitila mu Cakusushilako cakwa Lesa, cilapela wene imisondele ya muntu uwa mushilo. Cilya cishinka. Ilyo mwaisa ukupitila mu Cakusushilako cakwa Lesa, lyena ukusonda kwenu kwaba imisondele ya muntu uwa mushilo. Cilapanga imisondele ya muntu umulungami. Insoselo mucine ili fye bwino.

⁹⁶ Nomba tulesanga ukuti ifyo ici cacitilwe mucipasho, muli Israele, ku lukuta lwa Israele fye lweka. Ulya e mulandu wine, ukulanda ici nomba, nga bakapyunga baletalika pa cintu icili conse ico cilandilwe; ici cakulukuta lwandi ulo Shikulu ampela uku—ukushimikilako.

⁹⁷ Moneni mu Kufuma 19, ndefwaya imwe ukubelenga cena ilyo mwaya kunga'nda, ilyo mwakwata inshita ingi. Moneni, ilyo Israele acitile ulubembu, ica ntanshi basendele ingo'mbe inono iyakashika iyo ishatalile ukukwata ikoli pa mukoshi waiko. Cilya cilepilibula yena tayatalile ukuikobeka ne cintu icili conse.

⁹⁸ Kabili yena ilingile ukuba iyakashika. Ilangi ilyakashika lyaba i—ilingi lya cikonsolwelo. Mwalishiba, science yalishiba ukutila nga mwasenda icakashika no kulolekesha ukupita mu cakashika, ku cakashika, cintu ca buta. Lolekesheni ukupita mu cakashika, pa cakashika, cintu ca buta. Ena alolekeshe ukupitila mu Mulopa uwakashika uwakwa Shikulu Yesu, kabili imembu shesu ishakashika shilesa mukuba ishabuta nge mfula ya buta; icakashika ukupitila mucakashika.

Kabili umwana wango'mbe alipaiwa mu nshita ya cungulo bushiku, ku lukuta lonse ulwa Israele.

Kabili kwalebikwa imindoloshi cinelubali iya mulopa wakwe pa cibi apo lukuta lonse lwalingilila; icipasho ca Nshita sha Nkuta Cinelubali, ku Mulopa.

⁹⁹ Kabili lyena umubili wakwe walisendelwe no kocewa. Walyocewe na ma bondo, ne mpapa, ne fya mumala, na mafi. Ifintu fyonse fyalocelwe, capamo.

Kabili yalingile ukuisenda ku muntu wasanguluka, kabili yalingile ukubikwa mu cifulo casanguluka kunse ka lukuta. E ico kanshi, nga Israele kuti amona fye icipasho! Ici Cebo cakwa Lesa tacilingile ukwikatwa ne minwe iya fiko iya kukana cetekela. Cilingile ukuba umuntu uwasanguluka. Kabili nga ena ali uwasanguluka, ena alingile ukwisa ukupitila mu Cakusushilako cakwa Lesa.

Umuntu uwasanguluka, iminwe iyasanguluka, kabili yasungilwe mu ncende iyasanguluka; te mu ncende uko ba

Yesabele, na ba rickies, ne fintu fyonse bakumako; no kulyako umulalilo ne fintu, ilyo baleenda enda na bakashi, na balume, ne misango yonse iyakowela; ukuya ku masha ne mitebeto, no kuba ne mishishi iyabeyewa, na bakaputula, ne fintu fyonse ifyashala, no kuita abene Abenakristu. Cilingile ukusungwa mu ncende iyasanguluka, nokwikatwa ne minwe yasanguluka.

¹⁰⁰ Kabili lyena ilyo Israele abembwike, no kwishiba ukutila balicitile icilubo, lyena balekaninwa ne mito ya iyi ngo'mbe, pali bena. Kabili yalya yali amenshi yakupatulula, ukusangulula ukwa lubembu.

¹⁰¹ Moneni. Ici cili apa! Kabili ilyo Israele, lintu tabalati bese mwisenge mukupepa, bena bali intanshi ukwisapita mu menshi aya kupatulula. “Ukulungamikwa ku citetekelo; kwishila mukumfwa, ukumfwa Icebo.”

Lyena balingile mukati ka lukuta pe samba ya ilye mindoloshi cinelubali, umulopa, ukulangisha ukutila icintu cimo califwile no kubatangilila pa lubembu lwabo. Bena balepatulwa pa kumfwa Icebo, amenshi ya kupatula, elyo baleingila mwisenge.

¹⁰² Icifulo fye ceka ico Lesa akumenye umuntu cali kunuma ya bulyo butantiko. Ena tekuti akumanye wene kumbi ukwashala. Ena ali no kwisa kunuma ya bulyo butantiko. Lesa akumenye fye Israele mu cifulo cimo.

Kabili Lesa akumanya fye imwe ilelo mu cifulo cimo, kabili mulya ni muli Yesu Kristu; kabili Ena e Cebo, amenshi ya kupatulula. Kabili Umulopa Wakwe wasumishiwe kuli shonse Nshita Sha Nkuta Cinelubali. Kabili elyo, ku Mupashi wa Mushilo, tulengila muli lilye senge ilipelwa fye ku Lukuta. Owe, ifyo Wene aba umukalamba!

¹⁰³ Nacimbi, nomba, tulefwaya ukulolekesha pa Bena Efese 5:26, itila, “Caba umusambilo wa menshi mu Cebo,” amenshi ya kupatulula. Ni cinshi ico Yena yacita? Kanshi, Icakusushilako cakwa Lesa caba Cebo. Amenshi ya kupatulula, “umusambilo wa menshi, ayakupatulula, ku Cebo,” Icakusushilako cakwa Lesa.

¹⁰⁴ Kanshi, imwe kuti mwise muli Kristu ukupita mu cakusushilako ca lukuta. Imwe tekuti mwise ku cakusushilako ca cilonganino atemwa icakusushilako cacisumino. Kwaba fye Icakusushilako cimo, ico imwe mwingengilila muli ilye ncende ya mushilo, cilya kupitila “umusambilo wa menshi ku Cebo.” Icebo cakwa Lesa e Cakusushilako ca muntu utontonkanya.

¹⁰⁵ Ulukuta lukapingula imwe pano, nga cakutila muli ba membala basuma atemwa iyo. Bakamupela icililo icisuma, ne nembela pali hafu pa mfwa yenu, ukutuma imina ikalamba amaluba kabili—kabili ukucita icintu icili conse pali imwe. Lelo ilyo caisa kulya ku mweo wenu ukulolekesha Lesa,

ulingile ukukwata Umweo wa Muyayaya. Kabili nga cena Mweo wa Muyayaya, cena ciputulwa ca Cebo. Kabili nge fy icebo candi tekuti cikane. . .

Ukuboko kwandi tekuti kukane ukuboko kwandi. Amenso yandi ne mwine tekuti yakane ukuboko kwandi, atemwa ukulu kwandi, atemwa akakondo kandi, atemwa iciputulwa candi icili conse. Yena tekuti yacikane.

Kabili nangula umuntu uyo waba iciputulwa ca Cebo cakwa Lesa, atemwa umwanakashi, ukukana iciputulwa cimo ica Cebo cakwa Lesa. Kanshi, mwe banakashi, ilyo muletontokanya imwe kuti mwabeye mishishi no kwisa mu Mulola wakwa Lesa, muli mucilubo. Mulemona ici? Imwe muli mucilubo; imwe tekuti mwise ukupita mu Cakusushilako cakwa Lesa umo musambwa ku menshi ya Cebo. Lyena mulengila mwisenge. Muletontokanya ukutla efyo muli, lelo tekuti mube mpaka mwaisa ukupitila mu Cebo, kabili akalitoni conse, Icebo conse icakwa Lesa icinono. “Umuntu tekucilyo ceka akabela no mweo, lelo ku Cebo conse.” Cena cilingile ukwisa ukupitila muli kulyo kususa, ukwisa ukupita. Kabili cilya cilapela imisondele ya muntu umulungami, pantu cilya eco alefwaya, ukufwaya icintu cimo ica kumusangulula.

¹⁰⁶ Icebo, Icebo cakwa Lesa caba Icakusushilako ica muntu utontokanya, kabili cena cilapanga imisondele ya muntu uwalungama. Twalishiba cilya cishinka; cilasusa kunse ulubembu lonse ulwa ku kanacetekela. Takuli nakabili ukukana cetekela ilyo mwaisa ukupita mu Cakusushilako, pantu cena misondele iya cine iya wacetekela.

¹⁰⁷ Uwacetekela uwa cine afwaya ukuba uwalungama, nangu cibe shani. Ena tafwaya fye ukusosa, “Cisuma, naba mu fifulo ifyalumbukwa. Naba ku lukuta, ulukuta ulukalamba nganshi mu musumba.” Nshilesakamana nga ni mishoni pa cifutu, nga cabu ica fimpusa, ku cifulo cimo, umuntu utontokanya alishiba ukutla alingile uku kumanya Lesa. Kabili te mulandu ifyo ulukuta lulesosa, atemwa uuli onse engasosa, alingile ukwisa pa butantiko bwakwa Lesa. Kabili ubutantiko bwakwa Lesa Cebo cakwa Lesa.

“Cisuma,” batila, “Icebo cakwa Lesa.”

Mucine, bonse muli bena balicetekela Cena Cebo cakwa Lesa, lelo bushe kuti mwaisusa ukupita muli Cena? Musango nshi mwingalekela umwanakashi uwa beye mishishi ukwisa ukupita Mulya? Musango nshi muli no kucita cilya? Musango nshi muli no kuleka umwaume ukwisa ukupita mulya uyo ushakekatilile kuli ili Sambilisho? Mwamona?

Cena tacili imisondele ya muntu utontokanya. Iyo. Umuntu utontokanya ali no kutontokanya, umuntu utontokanya ali no kutontokanya imiku ibili lintu talatolokela mu cintu nga cilya.

108 Moneni, cilye Cebo tekuti ciikane Icine. Lyena cilekushiwa, atemwa cena kukabila. Cena kukabila kwa cinshi? Ni cinshi icalengele imwe ukukabila Cena, mu kutendeka? Pantu mukati ka mweo wenu mwali mbuto iyalingilwa kabela ico cali Umweo wa Muyayaya, lyonse ukwikala mulya, lyonse yali mulya. “Bonse abo Tata ampela bakesa kuli Ine. Takuli nangu umo uwabena ukaluba.”

109 Ukusonda kwa muntu utontonakanya, ilyo muntu utontonkanya aumfwa Icebo cakwa Lesa, “Impaanga Shandi shilomfwa Ishiwi Lyandi, umbi umbi tashakakonke,” pantu mukati mulya muli Umweo, kabili Umweo usuntinkana no Mweo.

Ulubembu lusuntinkana no lubembu, kabili ulubembu lwaba ulwa bumbimunda nganshi mpaka lutontonkanya ukutula alipusushiwa ilyo tapusushiwa. Lwena lwaba mu fyashika fine ifya bumbimunda.

110 Ama membala ba lukuta bafwaya icakusushilako ca cilonganino pa kutila benga kwata ukukabila kwabo abene kabili nalyo line ukulaitwa abantu “ba bukapepa.” Mulabomfwa bena ukusosa, “Owe, ena ni kapepa nganshi.”

111 Mu Africa, nali kulya lubali ubushiku bumo kabili balelanda pali aba, bamo abana balelanda palwa ishi nyimbo sha rock na roll isho Elvis na Presley na bena baliemba, Pat Boone kabili na bambipo, Ricky Nelson na bonse bambi. Natile, “Bena libumba lya fiwelewele.”

Umo mukashana umunono atile, “Cinshi, ena ni kapepa nganshi.”

112 Natile, “Efyo na Yuda ali.” Natile, “Yuda apokele fye amakobili amakumi yatatu aya silfele; Elvis Presley apokele ama dollar ba million abengi.” Mwamona? “Bonse babili bashitishe ububeli bwabo.” Mwamona? Natile, “Bena tabali nangu-. . . imisha iyabipisha nganshi iyo inko yakwata.” Nalyoline, ukuba fye icakubepa nge fyo icakusushilako ca mushanga, ifi filonganino filaleka balya ama membala ukwisamo. Ena tabalingile nangula uku. . . Kulingile kwaba ifunde ilya kutila tekuti bembe inyimbo shabukapepa. Caba ukususha. . . cilingile ukususha ifunde kuli bena kucicita.

Lelo icintu conse caisaba icintu cimo icikalamba icikulu ica mwina uwa bumbimunda, kabili kulya eko bekala ilelo. Icakusushilako ica cine ica mweo, citila, “Nga mwatemwa isonde atemwa ifintu fya mwi sonde, ukutemwa kwa kwa Lesa takwaba muli imwe.”

113 Mwamona, imwe tekuti—imwe tekuti musose rock na roll ya mwi sonde. . . atemwa yena yakwa Lesa. Rock na roll ya mwi sonde. Yonse yalya amasha no kususwa. . . ifintu ifyabipa ifyakowela, ntile, fya mwi sonde. Fyena fyonse fya mwi sonde.

Imwe teti musose ukutila umwanakashi ukubeye mishishi cakwa Lesa. Baibele isosa tacaba, cena fiko fya mwisonde. Kabili nga mwaterwa akanono kamo aka mwi sonde, ukutemwa kwa kwa Lesa takwaba muli imwe. Mwamona?

¹¹⁴ Cilya ni cinshi? Cisuma, ni cinshi icilekula cena? Cena cintu cimo pesamba mukati ukukula. Umweo ulekula icisansamushi cenu ukupitila kunse, ukupita mu mupashi, ukwingila mu mweo. Kabili ngo mweo walitemwa isonde, untu wafwa. Nshilesakama wene ifyo wasubwa, wene uli kunse *kuno*, kabili mu fyo calungama kunse *kuno*; mukati *umu* cintu cafwa. “Pantu uyo waterwa isonde atemwa ifintu fye sonde, ukutemwa kwa kwa Lesa takwaba muli wene,” te mulandu ifyo aba kapepa.

¹¹⁵ Icakusushilako ica cine, ulya musango, cili—cili no kufumya filye fintu kunse kabili ukuleta te cintu cimbi kano bucishinka ubwakwa Lesa, Icebo, mu mweo uwa cine utuntulu.

¹¹⁶ Bena nga Esau, kunse bali fye bwino. Esau ali uwa bukapepa kunse. Kabili ilyo caishile kuli bukapepa, camoneke ukuba uwa bukapepa nganshi ukucila ifyo Yakobo ali. Amoneke ukuba umuntu umusuma ukucila ifyo Yakobo ali, lelo mukati ka wene, ifyo ena ali. Ena ali kunse uwa bukapepa, lelo ukutontokanya kwakwe takwasushilwe. Ena tatontonkenye bwino pa bubeli. Ena—ena tatontonkenye ukutila Lesa, ububeli bwapilibwile ifingi nge fyo Lesa asosele bwacitile. Ulya ali palya, atile, “Ndi ne nsala, bupusano nshi cipanga palwa bubeli ubwakale, iwe kuti wa bukwata ngo lebufwaya.” Owe, mwe! Mwamona?

“Ndaya ku chalichi; ndi fye umusuma nge fyo waba. Icilonganino candi caba fye nga... Cinshi, ni cimo icapulishamo mwi sonde. Ba mayo bali kuli cena. Batata bali kuli cena. Fyonse *ifi*, *filya* kabili *fimbi*. Ba pastor wandi bali abasambilila; ena alikwata *ifi-ne-fi*.” Cilya cile mubika filya ukutaluka nganshi ukufuma kuli Lesa. Cilya te cakusushilako ca muntu utontokanya.

Nga kuti caba, musango nshi Petro enga tala ukuba fintu ali, ilyo ena tekuti alembe ne shina lyakwe line? Lelo alikwete Icakusushilako ca muntu utontokanya. Moneni, owe, mwe!

¹¹⁷ Esau atontonkenye ukutila bulya bubeli tabwapilibwile ifyo Lesa asosele ifyo wene wacitile. Cilya cali ubupusano pakati ka Mweo ne mfwa. Kabili e ico, nga Efa kabili nga Yuda, bashitshishe ububeli bwabo pa kwikushiwa ukwa kusonda kwa kwishiba kwa buyantanshi. Cilya ni filya fine Efa ashitishhepo ububeli bwakwe. Ena ashitishishe wene pa kusondako kunono ukwa science, ukusondako panono ukwa kwishiba kwe sonde, ulukuta ulwawamishako panono, ibumba lya bantu ilya wamishapo panono, ilelo eflyo lingetwa. Mwamona.

Kabili Yuda ashitishe ububeli bwakwe pa ma kobili amakumi yatatu aya silfere, kabili ukupanga ama dollars na yambi ayanono. “Ulukuta lwandi kuti lwandipila bwino kuno lubali, kabili ndi no kushimikila fyekuno lubali.” Mwamona? “Eico, nganaisaba kashimikila, cisuma . . .”

¹¹⁸ Batile, “Munyina Branham, ifwe twalicetekela ilye Mbila yena Cine, lelo ifwe tekuti tusingine Yena. Nga twalicitile, cinshi, ni kwisa uko twingashimikila?” Huh! Isonde, munyina, ilya e parish. Mucine. “Cisuma, tapali nangu umo uwa babwananyina abengafwilisha.” Ine—ine nshilelekesha kuli umo uwa babwananyina ukungafwilisha. Ndelolekesha kuli Yesu Kristu ukungafwilisha, pantu Ena aiminine na Cena. Ena ni Umo Uyo uwasosele Cena.

¹¹⁹ Kabili ilyo ububeli ubwa cine, Umulopa, ukususwa kunse ne Cebo; kabili ulubembu lonse, kabili isonde, no lukuta, ne filonganino, nakapatulula, filashala kunse. Amasambililo, ubuyantanshi, ulukuta, icilonganino, imibombele, ulubembu ulwa misango yonse lulashala kunse ilyo muntu utontontontokanya asenda Icakusushilako ca muntu utontontontokanya, mu mulingo wakwa Lesa.

¹²⁰ Takuli nangu cimo icishalako muli cena ilyo muntu akula uwakwe—ubumi bwakwe ukupitila mu Cakusushilako cakwa Lesa; moneni, pano ubumi bwenu bwali ubwakoweshiwa konse no lubembu, pantu mwali “fyalilwe mu lubembu, abapangwa mu mampulu, mwaishile pe sonde ukubepa ubufi.”

Nalalanda icintu cimo, nge fyo Munyina McCullough alesosa. Umfweni kuli ine.

¹²¹ Ilyo mwaishile muli ili sonde, mwafyalilwe mulubembu. Imwe tamwatalile nangula ukwisa ne shuko ilya kulwisha. Imwe mwali “fyalilwe mu lubembu, abaletwa mu ma mpulu, mwaishile mwisonde ukubepa ubufi,” no mupashi wenu mwebene, ukukabila kwa lubembu, uwatemwa lubembu pantu mwafyalilwe mu lubembu. Imwe tamwakwete ishuko.

Lelo mukati ka imwe, pa cifulo cimo, pano mwalishile, kwaliko icintu cimo mukati mulya icatendeke ukukula. Nga mwalishibe, cali icintu cimo ico camwebele kwaliko Lesa ku cifulo cimo; kabili mwalibelengele Icebo Cakwe. Elyo mwalisendele ulukuta, mwasendele amano yabo ilyo bamwebele bwino, lyena tamwatalile ukubomfya Icakusushilako ca muntu utontontokanya. Ilyo mwabomfya Icakusushilako cakwa Lesa, ico caba Icakusushilako ca muntu, pantu, “Fyonse fimbi ifya kusushilako fikapita, lelo Icandi tacakapite.” Kabili ilyo mwasenda Icakusushilako cakwa Lesa no ku kula ubumi bwenu, ifya kukabila fyenu; nga mwakula ifya kukabila fyenu ukupitila mu Cakusushilako cakwa Lesa, Icakusushilako ca muntu utontontokanya, takuli nangu cimo icishalako kano fye Umupashi wa Mushilo.

¹²² Nomba, nga mulefwaya icishininkisho ca Mupashi wa Mushilo, cilya cili palya. Ilyo ulyo mweo uwenu uli no kulingana ne Cebo cakwa Lesa, mu fintu fyonse, cilelangisha na mukula ubumi bwenu ukupitila mu Cakusushilako ica muntu utontonkanya, Icakusushilako cakwa Lesa.

¹²³ Nomba, bushe cilya Cakusushilako cakwa Lesa? Atile, “Ifwe twalisambilwe na menshi aya Cebo.”

Kabili ilyo Lesa apele Adamu na Efa Icakusushilako, mwi bala Iya Edeni, Atile, “Mwikakula cimo ica *ifi* mulya.” Lelo Satana atulilepo icipunda muli Cena, atile, “Owe, cena ni panono fye, tacacene.” Itoni fye limo, ukupula, e conse ica sendele ukubika mfwa mu mutundu wa bantunse.

¹²⁴ Cilya fye ceka ecisenda, ukusonda fye kumo ukwa nicotine, lyena bena baya.

¹²⁵ Takuli nangu cimo icisheleko kano fye Umupashi wa Mushilo.

¹²⁶ Kabili lyena cilya cilelangisha kutila muli imwe mwali ilya mbuto iyalingilwe kabela mukati ka imwe, cilalenga imwe ukumfwila insala Lesa. “Bonse abo Tata Ampela, apela Ine ukulubula; bafwile pamo na Ine pa Kalbale; babukile pamo na Ine ukubuka; bonse abo Ena Ampela, bakesa kuli Ine. Bena bakabikwa mu Mubili, uko kulu, ukuboko, umona, akanwa, conse fintu cili; bena bakabikwa Mulya. Kabili bakesa kuli Ine mu nshita shabo.” Owe, mwe!

¹²⁷ Kulya palya ukususwa ukwine kwine ukwalubembu lonse ulwe sonde, kabili ukutemwa kwe sonde kuntu kwafwa, kabili uyu mweo ulekula fye icintu cimo. Ici cili apa, mwiesha... Ibukisheni! Mwilabako cena. Imwe bonse kunse uko pali balama, bikeni ici mu mano yenu. Ilyo muntu utontonkanya atendeka ukutontonkanya Uyo ali no kwiminako, kabili ifyo Icebo cakwa Lesa caba; ilyo atendeka ukutontonkanya, lyena ilyo akula ukupita muli Cilya, takuli nangu cimo icinga palama kuli cena kano Mupashi wa Mushilo.

Cena ni cinshi? Cena kabulungwa, ulubuto Iwa Cebo ukufuma ku ntendekelo, ukutula mwali muli Lesa pa ntendekelo, ukwiminina kuno ukukula imbuto ya Mweo. Mbuto yaba mu mutima wenu, ku kwishibila kabela. Aleluya! Mbuto yaba kale mulya, ku kwishibila kabela kwa kwa Lesa, ukulingilwa kabela. Kabili ilyo lwakula, lwena kuti lwakula tekupitila mu cintu cimbi kano Icebo.

Kabili elyo caba ukusonda kwa muntu utontonkanya, umuntu umulungami, umuntu uwa mushilo uyo umona Baibele, ukutula Yesu Kristu aba cimo cine mailo no muyayaya. Ni cinshi icileisa muli cilye cifulo kulya lubali? Cilya Cebo, icili mu mutima. “Nimfisa Icebo Cenu mu mutina wandi, ukutula ni Mubembukila.”

Cena ni cinshi, ilyo cilekula ukupitila mu Cebo? Kwaba fye icintu cimo icikapitila mu Cebo; cilya Mupashi wa Mushilo. Cilya cintu fye ceka icingapitila mu Cebo, caba Mupashi wa Mushilo. Kabili Icakushilako ica muntu utontonkanya cipela imisondele ya muntu uwa mushilo.

¹²⁸ Kanshi, ena alisondako ku fintu fya mu Mulu; ena nakwata Icebo cakwa Lesa mu mutima wakwe. Alamona Cena ukulangishiwa ku ntanshi yakwe, kabili umweo wakwe onse wapombwa muli Cena, kabili isonde ne fintu fyonse fintu fyafwa ukushinguluka wene.

¹²⁹ Icakusushilako ca muntu utontonkanya, ica bukapepa; kabili ndetontonkanya cabukapepa ubwa kususa nomba. Ilyo Cakusushilako ca muntu utontonkanya cipela imisondele ya muntu uwa mushilo, mwamona, Cena cilekusha ukusonda kwakwe. Ena alamona ukutila Yesu Kristu aba cimo cine mailo, ilelo, no muyayaya. Mwacimone co. Ukumona Wene, kuntanshi fye yesu, ukucita ifintu fimo fine Acitile; cilekusha imisondele ya muntu uwa mushilo, ukutontokanya kwakwe.

¹³⁰ Alishiba lyena ukutila ena alipita ukufuma mu mfwa ukwisa mu Mweo. Kabili alitemwa, kabili—kabili—kabili calikwata ukutemwa kwi sonde... ukushininkishiwa, kabili alefwaya Icebo ukushininkishiwa no kulangishiwa. Muli cila nshita ena alalolela Cena, pantu ena muntu wa mushilo kabili alikwata ukukabila ukumona Lesa. Bambi bafwaya fye ukuilunda kulukuta. Uyu muntu afwaya ukumona Lesa. Ena ta mona Wene mu mwina wa fisuminino. Ena tamona Wene mu ma organ ayakulu ayasuma aya mipaipi, atemwa mu ma cathedro, na ma lupanda ayasansama, atemwa bakasambilila abaishibisha ne nteneshi ishapilibulwa. Ena tamumona Wene mu masambililo aya fya bulesa kabili muli kasambilila wa fya bulesa. Ena ala mumona mu kushininkisha ukwa Cebo Cakwe.

Ndamona Wene mu mililo iya Cena.

Amenso yandi na yamona ubukata bwa kwisa kwa kwa Shikulu;

Ena alekama imyanganshi uko imiapele yabukali yabikwa;

Ena nakakulula inkuba iya maka no lupanga Lwakwe ulwakutinya ulwalubilo;

Icine cakwe ciletwalilila ukuya pantanshi.
(Cili no kucita, mpaka ku mpela. Ee, mukwai.)

¹³¹ Mwamona ifyo ndepilibula? Icakusushilako, umuntu... Atemwa, Icakusushilako ca muntu utontonkanya; umuntu ufwaya ukwiminina mu Mulola wakwa Lesa. Ni cinshi cali Icakusushilako icakwa Lesa? Icebo Cakwe. "Ubushiku mukalyako, bulya bushiku mu kafwa." Nshilesakamana icilecitika kunge kuno; mwikacilukila cilya Cebo.

“Ukusambwa ku menshi ya Cebo,” Icakusushilako ca muntu utontonkanya. Te cilonganino, te cisumino, te lukuta, te catherdro; lelo Cakusushilako ca muntu utontonkanya, pantu mukapingulwa ne Cebo. Umuntu utontonkanya ali no kutontonkanya cilya. Umuntu iciwelewele, atemwa ukusondako isonde, kukasenda icintu icili conse, icakupyanisha. Mulandu nshi ukupyanisha ilyo kuliko Cimo icituntulu?

¹³² Tontonkanyeni, tontonkanyeni fye pali cena pali miniti. Umwanakashi alelandila mu ndimi, nemishishi ishabeyewa ne milomo iyapentwa, elyo kabili ulukuta nalyo line lulekatilila kuli cena, ukutila cilya e cishininkisho ca Mupashi wa Mushilo.

¹³³ Atemwa kashimikila ukufuma ku seminary atemwa isukulu limo ilya Baibele, ukubomfya ulubatisho lwa bene batatu, atemwa ukulanshanya ne Cebo, ku cisumino cimo atemwa icilonganino. Bushe cilya Cakusushilako ca muntu utontonkanya? Te musango mbwenamo cena, munyina. Cena caba umuntu umuwelewele ukukula ukupitila muli cilya. Cilya cishinka. Bushe kuti mwaelenganya cilya? Mucifulo cakubomfya Icebo cakwa Lesa nge Cakusushilako pa mweo wakwe; ukuleka cilye cisumino ica kale ne cilonganino ukututilamo pa mulu wakwe nga filya, mu cifulo ca kusenda Icebo cakwa Lesa ukuba Cakusushilako. Elyo kabili ena onse untu wakantaikwa, kabili lekeni bena babike muli wene amasambilisho aya muntu, ukucite fintu, “mupepi no kubepa Abasalwa bene,” kabili no kukana Icebo.

Ilyo, ena kuti akula mu mweo wakwe umwine, nga kuliko icintu icili conse mulya ica kukulilako. Lelo nga ilye mbuto yalingilwa kabela...Mwipanya ici. Nga ilya imbuto yalingilwa kabela taili mulya, tayakakule ukupita Mulya, pantu ikakula pa fya kukabila fyaiko.

¹³⁴ Ngo mwaume upeepa fwaka alefwaya imisondele ya muntu upeepa fwaka, kabili nga na ikatilila aka muti...Natila, “Fyompa umunwe obe,” kabili aiminine kulya ukufyompa umunwe wakwe. [Munyina Branham alefyompa umunwe wakwe, kukulangisha—Ka.]

¹³⁵ Mulandunshi, ena kuti asosa, “Uko kutumpa.” Cinshi? Ukusonda kwakwe kwa nicotine. E ico, ena te muntu utontonkanya. Mwamona? Lelo mwatila, “Cisuma, nshicita, teti nsonde nangu cimo. Ndefwaya ukusonda i...Ndefwaya ukusonda fwaka. Nshisonda nangu cimo.”

¹³⁶ Mupeni ipegi kabili lekeni afyompe kuli cilya. Mwamona? Mucine, lekeni afyompe kuli cilya. Atile, “Nshilesonda nangu cimo.” Cinshi ulefyompela kuli cena, kanshi? Naukwata ukukabila ukusonda nicotine.

Kabili ilyo mulefyompa pa cisumino calukuta, kabili imwe mwe banakashi mucili na mukwata imishishi iya beyewa,

ifinso ifya pentwa, kabili abafwala mumibele yabulalelale; kabili iwe we mwaume ukulolekesha pali bena, na fyonse ifi fimbi ifintu, no musango mucitilamo. Cena ni cinshi? Ni cinshi icili mulya? Isonde licili mulya, kabili imwe na mukwata ukusonda. Imwe mulekula pali cena ku kusonda.

¹³⁷ “Ndaya kuli *ici* chalichi; bena tabalumbula cilya cintu. Bena tabasosapo icintu nangu cimo palwa *ici*, nangu cimo palwa *cilya*. Tapali nangu fimo pali ifi fintu ifiletwa. Kashimikila wesu alikwatishapo amano ukucila filya. Ifwe tatusosa ifintu nga filya.” Cena ni cinshi? Imwe na mukwata ukusonda kwe sonde uko muleonkako. Cisuma!

¹³⁸ Lelo umwanakashi utontonkanya takasende icintu ca musango ulya. Ena alishiba alingile ukuba uwa mushilo. Kabili icintu fye ceka ico mwinga kula ukupitila mu Cebo cakwa Lesa caba Umupashi, Amaka ayaleta ku mweo ukulenga Icebo Icine, ico cili muli imwe, ukuba no mweo ukulangisha Yesu Kristu mu nshita iyo muleikalamo. Aleluya! Munyina, nga cilya tacili Icine, nshishibe ico cili Icine. Ni ndufya amano yandi nga cilya te Cine.

¹³⁹ Cena Cebo Icine mu mutima wenu, icalingilwa kabela kulya, ico cilekula. Kabili cilafwisa kunse lilye sonde; cena tacifwaya lyena. Lelo ilyo caisa kuno mu Cebo, cilatendeka ukukula. Kabili ilyo cakula ukupitila mu Cebo, teti cibe cintu cimbi kano Mupashi wa Mushilo ukuleta ku mweo cilya Cebo.

¹⁴⁰ Elyo utontonkanya, Icakusushilako ca muntu uwa bukapepa cabe Cebo, kabili cilekusha kulyo kusonda kwa mushilo ukwaba mu mutima wakwe; icakusushilako ca muntu utontonkanya, imisondele ya muntu uwa mushilo. Owe, mwe, ico tulimo!

¹⁴¹ Mucifulo ca kubomfya Icakusushilako icakwa Lesa ku mweo wakwe, ena aleleka Satana ukumubepa ku cilonganino cimo atemwa ku cisumino, filya fine fye ngo utwampane twafwaka tulebepa imwe mwe bantu abo bapepa bafwaka. Imwe mukwata fye ba membala abengi, kabili cilya epela fye.

Owe, lekeni njisale mu ma miniti ayanono ukusose ci.

¹⁴² Laodikea uwapofula! Musango nshi twingaba abapofula! Laodikea uwapofula, ukutungulula impofu isha ino nshita, mukubepekesha, mu fisumino ifya bufi, mu fishilano ifyo fili ifya bufi, mucilonganino ico cili icabufi, mu mabuku ya cisumino ayo yali ayabufi. Owe, Laodikea uwapofula, ukutungulula impofu, imwe bonse muleya kucilindi!

¹⁴³ Pilibula Icakusushilako cobe muno bushiku, kashimikila. Mwilakula ilya nicotine yacilonganino mu mibombebe yenu, iyafishilano ne fisumino, ilyo Yesu aselese, “Uyo onse ukalundako icebo cimo kuli Cena, atemwa ukufumyako Icebo cimo kuli Cena.” Ilyo mwaeba ulukuta lweni cili fye bwino

kuli balya abanakashi ukucita *cilya*, kabili balya baume ukucita *cilya*, kabili na fyonse ifi fintu, *cilya* kabili ne *cibiye*; ilyo lyonse ilyo baleikala abacine kuli *ci* no kucita *cilya*, no kusunga ifi fisumino ne fintu, bushe tamuli ne nsoni mwebene?

“Aba Fariseo impofu,” Yesu efyo asosele.

¹⁴⁴ Kabili nge fyo Yesu abilikishe, “Mwe mpofu ama Fariseo,” Mupashi wa Mushilo mu mutima wandi uwine ulebilikisha muno bushiku, “Laodikea uwapofula! Mpaka lilali Lesa engakupela ukupuputulwa! Lelo nomba inshita yobe naisa; inshita naipwa nganshi nomba. Musango nshi wasekele no kusenteka abantu abo Lesa atuma kuli imwe! Lelo nomba inshita yenu naifika. Owe, United States, United States, ifyo kutila Lesa ngali fumbatile iwe nge fyo na—nankonko acita kutwana, lelo walikene.” Nomba ili Shiwi lileya ukufuma kululamba ukuya kululamba, ukufuma ku kwakulyo ukuya ku kwakuso, kabili ku kabanga ukuya ku masamba. Ifyo Lesa ngali kufukatile, lelo iwe walikene! Mona inshita yobe na isa.

¹⁴⁵ Inko shiletobeka. Isonde lilewa. Ba mailoshi ikana limo ne myanda isano iya ciputulwa ca cena, yatatu atemwa ama mailoshi imyanda ine mukulepa, ikebila, umwanda . . . atemwa nalimo ba mailoshi amakumi yane ukuya muli cilye cimukonko icikalamba kulya lubali, bumu muli ishi nshiku, kabili amatambe yakesa isa kunse mu buteko bwa Kentucky. Kabili ilyo cikacita, cikatenkanya isonde na maka nganshi icakutula ifintu fyonse pa mulu wa lyena fikaposwa panshi.

¹⁴⁶ Owe, mfiseni mu Cilibwe ca kale! Lesa, lekeni ine, lekeni ine. Putileni pali ine, Shikulu. Umupashi wa kwa Lesa uwa mweo, putileni pali ine. Lekeni ine nsende Icakusushilako cakwa Lesa no kwikalila pali Cilya, Shikulu. Lekeni mpeme umwela uusuma uwa Mupashi wa Mushilo muli ba pwapwa bandi, mu mweo wandi cila bushiku, ukutula ni mubembukila Imwe, Mwe Shikulu. Putileni pali ine, Mupashi wa Mushilo, putileni pali ine! Ine . . .

¹⁴⁷ Lekeni mbyale Icebo cakwa Lesa mu mutima wandi, no kupanga kulya icakutula nshakapilibukile ku kuboko kwa kulyo atemwa ku kuboko kwa kuso, ukutaluka ukufuma kuli Cena, lelo nkekala uwa cine kuli Cena inshiku shonse isha bumi bwandi. Kabili, Mwe Tata Lesa, lyena tumeni pali ine Umupashi wa Mushilo wa Mweo, ukuleta ku bumi filye Fyebo kuli ine, pakutula ninga langisha Yesu Kristu ku ntanshi yabo abali kuntanshi yandi, ukulolekesha kuli cena ukucitika. Lilya e pepo lyandi.

¹⁴⁸ Owe, mwe! Moneni ifyo bacita ilelo muli shilye nkuta. Ukonka abantu ukupitila muli filye fyakusushilako fya cilonganano, ukuya mu kabungwe ka economical. Mulandu nshi? Mulandushi? Pantu cilabapela bena ukukabila kwa mutima wabo, akabungwe. Balikwata ukusonda ukwa kabungwe. Bena bali no kucicita.

¹⁴⁹ Cila nshita Lesa abatumina ukupuputulwa, kabili, bena, ni finshi ifyo benga cita? Bena balabunganya kwena. Bushe co cishinka? E ico balikwata umusango wabo uwacakusushilako, pantu balikwata ukusonda ukukalamba. Kabili nombamba Lesa ali no kubapela bena ukukabila kwabo ukwa misondele yabo. Ena ali no kubapela... Bena baleba onkela mulya mwine mukabungwe ka economical, kabili elyo bena balapokelela ukusonda kwabo ukwa ka bungwe lyena. Bena na bacikwata cileisa.

¹⁵⁰ Owe, ulukuta lwa Laodikea, mwibepwa muli ino nshita, ku fya kubeleleka fyabo. Owe, Pentecosti, iwe wewayu mu Laodikea, iwe waba iciputulwa ca Laodikea, ulukuta lwalifwa; ukupitila muli Methodist, Baptist, na Prebysterian, umusango fye uwa ntambi. Lelo imwe ba Pentecostal abo umuku umo nalyo line mukashita kuti mwasosa “ameni”; abo abengalisha inyimbo ishingira ku cintamba, no kukwata abanakashi aba beye mishishi ukushana pa cifulo ponse, kabili nalyo line ukucetekela mukundapwa kwa Bulesa; ifyo lyonse Lesa bali musendele, lelo imwe mwasendele icakusushilako cimbi, icakusushilako ca cilonganino. Ifyo lyonse Lesa ngali musendele!

¹⁵¹ Ifyo cali icakubepa! Mateo 24:24, Yesu asosele ukutula i... “Cena kuti cabepa Abasala bene nga cingacitwa.” Ifyo mwaba abapalama nga filya Efa, ukushako fye cimo atemwa ifintu fibili ifyo tekuti mupokelele, pantu mwalibunganya kabili tekuti mupokelele Cena. Cilya fye ceka efyo cisenda. Kuti kawama fye ukusenda icintu conse, “Pantu ukuipunuma mukanono, kukwata mulandu muli conse.” Owe!

¹⁵² Pentecost, Pentecost, pisheni ukutontonkanya kwenu ukupitila mu Cakusushila cakwa Lesa, te filoto fyenu ifya cilonganino, kabili muli nokwisa fuma nemisondele ya muntu uwa mushilo, ulubatisho ulwa cine ulwa Mupashi wa Mushilo.

¹⁵³ Bushe kuti mwaelenganya umwaume ukuleka umukashi wakwe ukubeya imishishi yakwe, ukufwala bakaputula, atemwa ukufwala amatoloshi, kabili ukusosa kuti ena alefumina ukupitila mu Cakusushila ica muntu utontonkanya? Bushe kuti mwaelenganya umuntu ukucita icintu nga cilya?

¹⁵⁴ Bushe kuti mwaelenganya kashimikila ukwiminina mu cintamba, pantu alalipilwa bwino kulukuta ulu lumupampansha panuma, ukwita wene, “Doctor, Munyina, Reverend,” no kumusenda kunse kumisango yonse iya mitebeto uko basankanya ukusamba, na fyonse ifyashala, ku lulamba; bushe kuti mwaelenganya umuntu ukusosa ukutula aleisa ukufuma ukupitila mu Cakusushilako ca muntu utontonkanya?

¹⁵⁵ Kabili bamo balya banakashi ku cintamba, ne ndeshi shabo pa mulu wa makufi yabo kabili isha ikata nganshi no

kulangisha imimonekele yonse, imyendele yonse bacita, kabili ifya kufwala fyabo ifya mukati ukumonekela mu mandeshi yabo; icabipa fye ngo kufwala bakaputula, tubikin, atemwa icintu icili conse icashala. Imwe ba Pentecostal, impofu, bakashimikila ba Laodikeya, mpaka lilali Lesa ali no kushipikisha na imwe, nshaishiba. Beni . . . Lesa abe uwa luse ku yenu—ku menso yenu ayapofula. Ena nakwata umuti wa mu menso muno bushiku, ku kwisula amenso yenu pakutila mwinga mona.

¹⁵⁶ Nge fyo nacisosa mu lucelo, tuli mu nkulo ilemona, pa mulu. Takwaba ifya kutontonkanishishako pa mulu wa cilya, ico mwingasesha kunse, ku kwishiba. Imwe, ukufuma pa mona wenu, imwe kuti mwanunsha; ukufuma pa milomo yenu, imwe kuti mwalanda; ukufuma ku maboko yenu, imwe kuti mwakumya no kwikata; kabili nkasa shenu, na fimbipo; lelo tekuti muye pantanshi ukucila amenso yenu.

¹⁵⁷ Malaki 4 naisa; ukumona! “Kabili cikaba Ulubuuto nalimo pa nshita ya cungulo bushiku.” Owe, endeni mu Lubuuto!

Tuleenda mu Lubuuto, Ulubuuto ulwawama,
Ulo lwisa uko imime yaluse ibengeshima;
Ukubalika ukunshinguluka akasuba no
bushiku,
Yesu, Icebo, Ulubuuto ulwe sonde.

¹⁵⁸ Ee, mukwai. Pita muli cena, owe, munyina, kabili uli no kwisa fuma ne misondele ya muntu uwa mushilo, na Mupashi wa Mushilo.

¹⁵⁹ Owe, we mwanakashi, pisha fye imitontonkanishishe yobe ipya iya mifwalile. Pisha ukutontokanya kobe ukupya, lintu taulaya mulya mu musebo ku cinso ca mwaume; imwe mwe ba nakashi abacaice, imwe mwe banakashi abakalamba, lintu tamulaya mulya mu musebo ne fya kufwala fyenu ifyaikata nganshi, ukusunkilwa kunuma na kuntanshi. Nshileebaula. Ndi munyinenwe. Naiminina pakati ka ba mweo kabili na bafwa, kabili nokwiluka ifyo ndesosa. Lintu ta mulaya kunse, kabili ukwishiba ukutila umubili wenu cintu cimo ican bukata, atemwa cintu cabukata ico Lesa amupela imwe; lintu tamulaingila mu musebo, abafwele nga filya, pisheni amano yenu ukupitila mu Cakusushilako ca mwanakashi utontokanya. Kabili lekeni cibukishiwe, ukutila, “Uyo onse ulokeksha pali imwe ukumukumbwa, imwe na mucita ubulekenda nankwe kale.” Ibukisha cilya, nkashi.

¹⁶⁰ Kabili, munyina, lintu taulapilibula umutwe obe pali wene, pali kulyo kulokeksha ukwa cibili, pisha amano yobe ukupitila mu Cakusushilako ca muntu utontokanya. Iwe uli no kwisa fuma ne misondele ya muntu utontokanya, mwamona, pakucita ico cili icalungama.

¹⁶¹ Moneni, nga mwapisha amano yenu ukupitila mu Cakusushilako ca mwanakashi utontonkanya, imwe muli no kwisa fuma nemifwalile ya mwanakashi uwa mushilo. Cilya cishinka. Uli nokwisa fuma, munyina, no kulolekesha ukwa mwaume uwa mushilo. Nomba, cilya e cintu cimo.

Ifintu fyonse ifyo mulecita, pisheni cena ukupitila mu Cakusushilako ca Cebo cakwa Lesa, moneni nga cakutula cintu calungama atemwa icilubo.

¹⁶² Muli no kwisa fuma ne ndeshi ya mwanakashi uwa mushilo, ne mishishi itali, uwafwala bwino; uwa tondolo, umupashi wa bupete; te kwima no kusasuka, no kulalwa no kucita ifya kucita cita. “Uwatondolo, umupashi wa fuka, ico caba icuma icikalamba ukufuma kuli Lesa.” Baibele eflyo yasosa.

Nomba ndefwaya ukumwipusha icintu cimo, kunse mu mpanga. Twalaisala mu ma miniti ayanono.

¹⁶³ Nomba lekeni ifwe bonse, muno bushiku, tucenente ukukabila kwesu, kabili lyena imwe kuti mwamona umusango wacakusushilako uo mwalekulilako. Lekeni tucenente, cila umo muli ifwe, kuno kabili kunse ukuciluka inko. Cenceneni ifya kukabila kwenu, ico mukabila mucine mu bumi. Cenceneni ico mulelwishishapo. Cenceneni ico mubelele pano. Cenceneni ico muilapo ku chalichi. Ni cinshi icilenga imwe...Cena cisuma ukuya ku chalichi, lelo mwilaya fyeku chalichi kweka; cilya tacakamupusushe. Mwamona? Cenceneni fye pa ma miniti fye ayanono, soseni, “Bushe amapange yandi. . .Cinshi—musango nshi wacakusushilako uo ndekulilako, nangu cibe fyo?”

Kabili nga teti munakile ku Cebo cakwa Lesa, kabili umweo wenu taucicita, lyena kuliko icintu cimo icalubana; pantu cilelangisha imisondele yenu, ukutula ubumi. . .ukutula umusango wa bumi uuli muli imwe. Nga wene wa mushilo, uwine wine, uwacindama, uli no kwisafuma ulya wine umusango. Nga tacili, imwe mwalikwata ukusonda kumbi muli imwe uko mulekulako. Cilya cishinka nganshi.

Kabili ngo kusonda kwaba Icebo cakwa Lesa kabili ubufwayo bwakwa Lesa, lyena muli no kwishiba ico cili muli imwe, ico cilekula imisondele. Cilelangisha imwe muli ciputulwa ca cilya Cebo. Cilya Cebo cili muli imwe, ukukula ukufuma mu Cebo.

¹⁶⁴ Ni cinshi ico cilekula? Cena cilekula ukupita mu Cebo, pantu imwe muli ciputulwa ca Mubili wa kwa Kristu uwa ino nshita. Kabili cilya Cebo nga cili muli imwe, Cena kuti cakula fye ukupitila mu Cebo, Umupashi ulyo upela ubumi cilya Cebo icili muli imwe. Icebo fye ceka teti cibe no mweo. Ulya e mulandu wine, “Bonse abo Tata ampela bakesa kuli Ine; kabili nga naya mu mulu, nkakula abantu bonse kuli Ine.”

Mwamona? Mwamona, “Tata,” iciputulwa ca Mubili wakwa Kristu uyo uuli mwi sonde, kulingilwa kabela, ukubikwa mu mutima.

¹⁶⁵ Umuntu uuli onse uyo uuli Umwinakristu umwine mwine, uwafyalwa cipya cipya ilelo, alishiba, ukutula ilyo ali akamwana akanono, atemwa akamukashana akanono, icili conse, ukutula kwaliko icintu cimo muli imwe icakwatile nsala pali Lesa. Kabili mwalyeshe ukuilunda ku ma chalichi ne fintu ifyashala; califililwe ukubomba. Cena cali ni cinshi? Cali ni cilya Cebo. Imwe mwalelunga cilya Cakusushilako. Kabili ubushiku bumo Cena caishilepita kuntanshi yenu; mwalimwene Yesu Kristu cimo cine, mailo, ilelo, no muyayaya. Cilya calikwishe ukusonda. Mwamona?

Pantu, ubumi bwali muli imwe, ukukula. Mwamona, ubumi muli imwe bulekula. Bwena bule—bwena bulalanda umusango wa kukabila uko mwakwata umu. Imwe muletinta. Tekuti mutinte ukupula muli *ci*, kabili *cilya*, kabili ne *cibiye*. Mulingile ukusanga cilya Icakusushilako icalungama, pantu muli muntu utontonkanya. Mwamona?

¹⁶⁶ Nga muli muntu utontonkanya, imwe mwalilingilwa kabela, atemwa ukusushilwa kabela... ukufuma ilyo mufula we sonde taulabako.

¹⁶⁷ Kabili nga kapyunga wa cilonganino aumfwa ici, ndesubila ukutula ali no kusenda Icakusushilako ca muntu utontonkanya, nga ena ni kapyunga wa cilonganino. Lyena ali no kuposa panshi cilye cipaketi ca cilonganino ico cili mupepi no konaika, pantu cena lishiwi lya muntu; no kusumina Icebo cakwa Lesa icasuswa ico icishakatale ukufilwa nangula ukupita, kabili Cena cili no kupela imisondele ya muntu uwa mushilo. Kabili, nga Yakobo, ali no kulekelako fyonse ifya mwi sonde ne fya kukabila ifya cilonganino icili conse atemwa ukulumbukwa, uko kwabapo mwi sonde, uko imwe mwingaba ba bishop, cardinal, nga cakutula kuti mwaba ba prebyster ba buteko, atemwa pastor wa lukuta lumo ulukalamba. Muli no kulekelako ifintu fyonse ifyo fyabako. Te kuba nga Esau, uko ukuba iciputulwa ce sonde; lelo nga Yakobo, muli no kupela ifintu fyonse ifyo mwakwata kukupoka ububeli, Icakusushilako ca muntu utontonkanya; pantu Cena cili no kumupela imisondele ya muntu uwa mushilo. Kabili Cena cili no kwikusha. Kabili cili no kwikusha, kabili no kusangulula ne misondele ya Muyayaya iya busuma bwa mushilo wakwa Lesa.

¹⁶⁸ Ibukisheni, Satana atulile icipunda icakubalilapo mu mano yakwa Efa, atemwa mu matontonkanyo yakwe, ku kuleka imisondele ya mano yakwe no kwishiba fipitimo.

¹⁶⁹ Nomba tontonkanyeni ci. Ndeisala. Satana atulile icipunda cakubalilapo ukupula, pantu fyonse ifyo engakula cali Cebo. Cilya cali Umupashi ukupitila mu Cebo cakwa Lesa, pantu

atile, “Ilyo lyonse ilyo ulepema ukupitila muli ici Cakusushilako, iwe tawakatale ukufwa; lelo fumyapo umupu uwa ici *kuno* lubali, uli no kufwa.” Mwamona?

¹⁷⁰ Kabili Satana atile, “Lelo tawaishiba nangu cimo *pano*. Lelo kwatako ukusonda panono pali ici *pano*, kabili lyena uli no kwishiba; uli no kuba nga Lesa. Mwamona, alishiba icalungama ne cilubo; iwe tawaishiba. Kabili nga kuti wa kwatako fye ukusonda kuli *ici*.” Kabili wene ali mulekele ena ukutula icipunda muli cena, icipunda fye cimo icinono.

¹⁷¹ Nomba mulemona umulandu nsosela...Mwatila, “Cinshi teti musambilishe abanakashi, kabili na fimbipo, ifya kupokelela ifya bupe ne fintu nga filya?”

¹⁷² Natile, “Musango nshi wingabasambilisha agebra ilyo tabakatale ukusambilila ba ABC wabo?”

Akapunda kamo akanono e conse ica citike. Ena asendele amano ye sonde, kabili, ilyo cacitile, caletele imfwa kulupwa lonse, ukufwaya ukusonda amano.

¹⁷³ Nomba lolekesheni pa cakusushilako, kabili mucine calangishe imisondele yakwe. Imisondele yakwe yali iye sonde; cilya eco apokelele. Cilya efyo cili ilelo. Balitemwa isonde kabili ne fintu fya mwisonde, ne mimonekele ya bulesa, lelo ukukana Amaka ya buku. Mwamona, Satana akabaleka ukulandila mundimi; ena akabaleka ukupunda; ena akabaleka ukukwata ukulongana kwa kundapwa kwa Bulesa; ena akabaleka ukucita imisango yonse iya ifi fintu.

¹⁷⁴ Atile, “Abengi bakesa kuli Ine muli bulya bushiku, kabili, ‘Shikulu, bushe nshatamfya ifiwa, bushe nshacita ifintu ifingi, ukucita *ici?*’” Akasosa, “Nshamwishibe, mwe bakabomba ba mampulu.” Ilyo Icebo cabikilwe ku ntanshi fye yenu kabili imwe nalyo line mwalefyompa kuli cilya icakusushilako ica kale ice sonde, mwamona, cilangisha ukusonda uko kwali mu mutima.

¹⁷⁵ Inkunda tekuti shilye fyabola. Tekuti shilye cena. Shena tashakwata indusha. Mwankole kuti alye mbutu nge nkunda kabili kuti alya icabola ngamwankole, mwamona, pantu ena ni bumbimunda. Lelo inkunda tayapangwa nge cuni cimbi cashala, ulya e mulandu wine Lesa aiminine Umwine nge Nkunda ukwika ukufuma ku Mulu. Mwamona? Yena tekuti—yena tekuti iminine icena ica kubola. Yena te kubi; umulandu, tayakwabila indusha nangu imo. Yena tekuti isungulule cena. Cena kuti caipaya yena, nga yalilile cena.

Kabili inkunda tailingile ukusamba. Umubili wa nkunda ulafumya amafuta ukufuma mukati, ayo ayaisunga ubusaka. Cena bumi ubo bwaba mu nkunda; bulapanga muli yena amafuta ayo ayaisunga amasako ubusaka. Kabili efyo no Mwinakristu aba; mwaba Ubumi mukati muli bena uyo ubasunga ubusaka. Cena calisuswa.

¹⁷⁶ Owe, moneni! Nomba lolekesheni pali ena...pa cakusushilako, kabili mucine kuti mwamona imisondele kanshi, pafyo baleesha ukucita ilelo.

¹⁷⁷ Lolekesheni kuli ulu lukuta ulupya. Lolekesheni pa cakusushilako cabo. Imwe kuti mamona ifyo batemwa. Moneni ifyo bakwata. Ukutemwa, ni finshi ifyo batemwa? Miss Laodikea uyo uleya ku Bupingushi bwakwa Lesa. Cilya cishinka. Ukutemwa, ukutemwa kwa lukuta ilelo kwa kuli Laodikea, akabungwe aka kalamba, ubutantiko ubukalamba, ubukalamba, icintu calumbukwa, abantu abafwala bwino, abasambilila bwino nganshi, abaisulamo amano, abaisulamo ciwa, ukupitila mu bucenjeshi bwa lukuta lwakwa Kristu. Kwaba fye icebo cimo cilingile ukuba mulya, “munkanya-Kristu.” Pantu, ifintu fyonse ifyo Kristu asambilishe, bena balasusha ifintu fyonse mubutuntulu; cisuma, icalinga fye pa kutila benga ita abene cilya.

¹⁷⁸ Nomba nga muli abantu abatontonkanya muno bushiku, muno kabili kunse mu mpanga uko Imbila ileya, ukukabila kwenu kuli no kuba ukusonda kwa Baibele, te kusonda kwa cilonganino, pantu mukapingulwa kuli Baibele ine, Icebo ico ndemulomba ku kusushilamo umweo wenu. Kabili ukukana Icebo Cimo ica Cena, no kukana leka umweo wenu ukupita muli cilya Cebo cimo, imwe bakamukana. “Pantu umuntu takabe no mweo, ukupema, ku mukate weka, lelo ku Cebo conse ico cifuma ku kanwa kakwa Lesa.”

¹⁷⁹ Kabili cikaletwa muli imwe, ukulingilwa kabela. Kabili ilyo Shikulu apemena pali imwe, Umupashi Wakwe ukaleta ku bumi cilya Cebo ku butuntulu, kabili muli no kumona ukutula Yesu Kristu aba cimo cine mailo, ilelo, no muyayaya. Owe, mwe!

¹⁸⁰ Sheni icilonganino ice sonde, cipaketi ca bukapepa. Lekenikale nga cilya icipaketi ca fwaka mu mpanga. Lekenikale no kubolesha. Cena cili—cena cakusushilako icalubana. Kabili sendeni Icebo, ico cili ni Kristu, cilya cilapela, no kufika, no kucingilila imisondele ya Mweo wa Muyayaya, ku uli onse uyo uli nokucisenda, Umweo uwa Muyayaya.

¹⁸¹ Icebo, nga mwalilingilwa kabela, imwe mulacimona Cena. Takwaba inshila nangu imo iyakucifishilamo Cena kuli imwe. Imwe mulolekesha kulya no kusosa, “Cinshi, Cena cili fye palwalala ku cinso candi! Ine kuti nalolekesha pali Cena; cilya Icili palya. Ndelolekesha fye pali Cena. Ndemona Cena. Ici Cili pano, Icebo; Icebo conse, Cebo fye pa Cebo, ukuba no mweo.” Lyena kuliko ukusonda ukwa Mweo wa Muyayaya uko mulefwaya.

Kabili ilyo mwapema ukupita muli Cilya, ni cinshi cingesa ukupita muli Cilya, Icakusushilako cakwa Lesa? Tapali cimbi kano Mupashi; takuli isonde, nakalya; takuli ukukana

cetekela, nakalya. Cena Cakusushilako cakwa Lesa. Kabili ilyo mwapema ukupita muli Cilya, takuli nangu cimo icinga pita muli Cilya kano Mupashi wa Mushilo.

¹⁸² Nomba na mukwata icishininkisho ica Mupashi wa Mushilo, mwamona, umwaume wa mushilo atemwa ukusonda kwa mwanakashi. Bena balafwaya ukuba no mweo. Bena balikwata Umweo wa Muyayaya. Kabili pantu ici Cebo caliletwa ku bumi kuli bena, balekala no mweo; Icakusushilako ca muntu utontonkanya, kabili imisondele ya muntu wa mushilo.

¹⁸³ Mwila senda isonde, nga tulyo twampane twa fwaka, ukupitila mu bucenjeshi, lelo sendeni Icakusushilako ca muntu utontonkanya icituntulu. Suseni umupu uo mupema, ica kulya ico mulya, ifintu fyonse ifyo mwaba; pemeneni fyena ukupita mu Cebo cakwa Lesa, kabili muli no kukwata imisondele ya muntu uwa mushilo. Pantu, Cena cikaleta cilya, pantu Ena aba cimo cine mailo, ilelo, no muyayaya.

¹⁸⁴ Kabili ninjishiba, nga cakutula twaba atemwa nga cakutula tatwaba. . . Ndecetekela twaliba. Lelo, nga tatwaba, kuliko umuntu umo mwi sonde ilelo uyo waba iciputulwa ca Mubili wakwa Kristu; kabili Cena cikekala fye no mweo ku Cebo cakwa Lesa, Icebo conse ico cifumina mukanwa ka kwa Lesa ica ino nshita iyo tuleikalamo nomba.

¹⁸⁵ Kabili tekuti mone uko icilonganino. . . Filye Fyebo ukuba palwalala nganshi muli Baibele yasosa ukutula cikacitika, kabili ne fintu fyali nokuba, kabili tuleikala fye muli cena nomba. Tekuti mone uko cingaba icintu cimbi icashala kano ici.

¹⁸⁶ Mwe lukuta, nalishiba ningile ukwiminina pamo na imwe mu Bupingushi, ubushiku bumo. Cibe ukutali ukufuma kuli ine ukutala ukumweba icintu icili conse icalubana, pa kulumbukwa. Nshilefwaya cilya. Nga nalikwete ukukabila kwandi, kuti na cita, ukukabila fye kwandi ukwa buntu, kuti nasenda imfuti yandi no kuya mu mpanga no kuya kula aka musakuta, no kuteya, inshiku shandi ishashala isha bumi. Ndeya ndekota, uwanaka, uwafunshika. Ndi uwapwilwa amaka, lelo teti ndeke. Kuliko icintu cimo muli ine, icilebilima. Akalanda kuli ine nga nshilelanda Icine kabili Icine conse. Akalanda kuli ine nga nshileiminina pano mpaka umupu wakulekelesha uwa mubili wafuma paliine. Ningile ukwiminina, te mulandu ifyo uuli onse alesosa. Ndi no mulimo kuli Lesa.

¹⁸⁷ Kabili ine mucine nalicetekela ukutula ifintu fyo tuleshimikila caba Icine. Te pa mulandu wa kutila nine uleshimikila Cena. Iyo, munyanane. Iyo, mukwai. Lesa alishiba umutima wandi. Ifyo ninga temwa ukwikala mulukuta no kumfwa ku wasubwa ukushimikila. Ifyo cingaba icaanguka

nganshi kuli ine, mucine pantu kuti nakwata umweo wa muyayaya umusango umo wine ngo muntu uli mucintamba. Ndi ciputulwa ica Cena umusango umo wine nge fyo ali. Kuti naya ku Mulu kumo kwine, ukukwata ishuko limo line. Ifyo cingaba icanguka kuli ine ukwikala kunse kulya no kukana kwata fyonse ifi fya kukwebululwa, ne mpumo, ne fya kuteta. Ifyo cingaba icaanguka, pantu ubushiku bonse ukwabula ukulala, ora imo na hafu, atemwa ama ora yabili; ukulwisha inshita yonse iya bushiku ne fintu ifyo fyaisa. Ifyo caba icaanguka kuli ine ukucita cilya, ukusenda imfuti yandi ulucelo ulwakonkapo, ubulobo bwandi, no kuya mukuloba atemwa ukulunga! Ifyo cingaba icaanguka! Lelo, munyina, cawilile kulubali lwandi. Leken i Lesa angafwilishe ukukana tala ukufuma pa cifulo ca mulimo wandi, lelo ukwiminina uwa cumfwila kabili uwa cishinka, no kuleta kuli imwe Icakusushilako ica muntu utontonkanya ico cili no kumupela imisondele ya muntu uwa mushilo.

¹⁸⁸ Icakusushilako ca muntu utontonkanya caba menshi, amenshi ayakupatulula. Cakusangulula ukufuma kulubembu, ico caba Icebo cakwa Lesa. Kabili umuntu utontonkanya, umuntu uyo waishiba ukutila alingile ukwiminina ku cinso cakwa Lesa, ukwishiba alingile ukwasuka pa Cebo icili conse ica Baibele, Cena cikekusha kulyo kusonda ukuli mu mutima wakwe. Leken i Lesa atwafwilishe ukupokelela cena, ilyo tulekontamika imitwe yesu.

¹⁸⁹ Mwe batemwikwa Lesa, ora naimbi atemwa yabili nayapita. Inkoloko naishinguluka nomba. Imbila ileya mwilyashi lya kale, kabili Yena nailembwa mwi Buku. Ifwe bonse tukasuka pali ci, ukusela konse uko twapanga, ishiwi ili lyonse ilyo twasosele, itontonkanyo ili lyonse ilyapitile mu mano yesu, ilyashi licili lileya. Kabili lyakulaya fye mpaka ubumi bukapwe, kabili lyena tukesa asuka pa Bushiku bwa Bupingushi.

¹⁹⁰ Mwe Lesa, Kalenga umukalamba uwa myulu ne sonde, Uo ifwe twacetekela, ndepepela aba bantu aba bunu bushiku. Ndeipepela ne mwine pamo na bona, ukutila Shikulu Yesu, ukutila Imwe muli nokwikatilila Icakusushilako Cenu. Kabili nga ndesosa icili conse ica musebanya, Shikulu, ine...mu mutima wandi nshicishibe. Ndepepa ukutila nga cintu calubana kuli ine ukusenda Icebo Cenu no kubomfya icintu ca musango filya, Imwe munjeleleko pali cena.

¹⁹¹ Lelo, Shikulu, natontonkenye ilyo Imwe mwalandile kuli ine kulya mu mpanga, Imwe mwalishiba inshita mulucelo, cena fye tekuti ncifumye mu mano yandi. Nalisumine cena nge cilefumina kuli Imwe. E ico, Tata Lesa, ine ni ncilanda kale. Kabili ndepepa, Lesa, ukutila Imwe muli nokuleka cena ukuba muli ulya musango uo natontonkenye ena ukuba, ukutila umuntu utontonkanya, umuntu ngalikwata ukutontonkanya

kumo, tutile, ena ali no kwishiba alingile ukwiminina mu Mulola wakwa Lesa, kabili ena takasende mu mweo wakwe icintu icili conse ico cikowesha atemwa ico capusana ku Cebo cakwa Lesa.

¹⁹² Kabili, Tata, ifwe natwishiba cilya, nge fyo nacicipashanya no tu tubungwe utwelelo; te kuba uwapusana, Shikulu. Imwe muli no kumpingula, ubushiku bumo, ukufuma mu mutima wandi. Kabili ndepepa, Lesa, ukutila Imwe muli no kumona ukuti tacali ukuba uwa pusana, lelo cali no kuba uwa cishinka, ukwesha ukuba uwabufuma cumi, ukwishiba ukuti ninjikatilila ifyashitwa no Mulopa Wenu, ukufuma ku mupaka ukuya ku mupaka, ino ine nshita, mu minwe yandi. Kabili abengi muli bena nabacetekela Ilyashi.

¹⁹³ Kabili, Lesa uwa ku Mulu, kwikaba nangu umo muli bena ukuluba. Ndebapokolola bena, cila umo, no kubekatilila ku cinso cabo Cakusushilako ukufuma ku lubembu, Amenshi ayakupatulula, Umulopa wakwa Yesu Kristu, Icebo ukulengwa umubili. Peleni cena, Shikulu. Kabili lekeni Mupashi wa Mushilo apongolole ukupitila mu bulayo ubuli bonse, mukati ka myeo yesu. Kabili lekeni tube bakeminina aba mweo abakwa Nabwinda wakwa Yesu Kristu, mu nshita ya menso, mukumona mu nshita ya Lubuuto, ulwa cungulo bushiku pantu twapela kuli Imwe mwi Shina lyakwa Yesu Kristu. Amenii.

¹⁹⁴ Mwali Mutemwa? [Ulukuta lwatila, “Amenii.”—Ka.] Mulecetekela Cena? [“Amenii.”] Ine, nga naxisosa icintu icili conse icalubana, pa kusosa, “icakusushilako ca muntu utontonkanya,” te kuti nsose na fimbi. Nshakwata amasambililo. Ningile fye ukusosa ico cisa muli ine. Kabili ilyo namwene cilya ukuba palya, natontonkenye, “Ifyo caba icishilwa ica bumbimunda!”

Kabili icintu Cimo casosele, “Kwati fye lukuta.”

¹⁹⁵ Icakusushilako ca muntu utontonkanya! Owe, mwe! Kuliko kucila filya kuli cena. Umuntu utontonkanya tekuti abomfye cena nakalya. Mwamona? Mucine iyo. Kabili cikabila imisondele umuntu upeepa, cilya cishinka, pantu ena alingile ukukwata cena ku kwikusha imisondele yakwe. Lelo umutuntulu, umuntu utontonkanya uyo waishiba umweo wakwe ukesaya ku Bupingushi, akasusa ukusonda kwakwe ukupitila mu Cebo cakwa Lesa. “Pantu bonse abo Tata Ampela bakesa kuli Ine.” Kabili akekalila Icebo conse ico cifumina ku kanwa ka kwa Lesa, ico caba Amenshi aya kupatula ayo yatupatulula ukufuma ku lubembu. Pantu, ilyo caisa ukupitila mu Cebo, tulamona ukutila cena lubembu ukukanacetekela Cena, e ico tulacetekela fye Cena no kuya fye pantanshi. Cena kupatula ukufuma ku lubembu. Mwali Mutemwa? [Ulukuta lwatila, “Amenii.”—Ka.]

Nali Mutemwa, nalitemwa . . .

Katwimye fye amaboko yesu nombamba kuli Wene.

Pantu Ali Ntemenwe
 No kushite pusukilo lyandi
 Pa Kalbale.

¹⁹⁶ Ni finshi ifyo Asosele? “Ici abantu bonse bakeshiba ukutila muli abasambi Bandi, ilyo muletemwana, ukutemwana umo no mubiye.” Nomba lekeni tuposhe mu minwe ya muntu umo ilyo tulelwimba nakabili, no kusosa, “Nali kutemwa, na ine, munyina.”

Nali Mutemwa, ine... (Ici kuleka imwe
 mwishibe ukuti...)
 ... Ali ntemenwe
 No kushite pusukilo lyandi
 Pa Kalbale.

¹⁹⁷ Nomba, imwe mwalitemwa Icakusushilako ca muntu utontonkanya? [Ulukuta lwatila, “Ameni.”—Ka.] Ilyo mukaya mu musebo ukuya kumyanya amaboko ne sonde mailo, munyina, nkashi, bushe naukwata Icakusushilako ica muntu utontonkanya? Ilyo ulya muntu alekwita kakunkuluka wa mushilo, bushe ulabomfya Icakusushilako ca muntu utontonkanya? Ilyo ulya umuntu umo alesosa icintu cimo icabipa pali imwe, bushe na mukwata Icakusushilako ca muntu utontonkanya? Mwamona, citeni icisuma pa bubi. Pepeleni balya aba mulamata, kabili na bo abamucusha, lyena mulepemena ukupitila mu Cakusushilako ca muntu utontonkanya.

¹⁹⁸ Pantu nga mwateremwa fye abo aba mutemwa, ilyo tuleposhanya mu minwe umo no mubiye, nga batemwana muli Shikulu, cilya cisuma, lelo bushe imwe nakabili kuti mwateremwa abashatemwikwa? Cilya Cakusushilako umuntu utontonkanya. Ulya Mupashi wakwa Kristu muli imwe, ukutemwa balya abasha mutemwa, lyena mulakwata icilambu cakwa Lesa. Lelo, nomba, nga mulecicita ngo mulimo, imwe mucili ta mulakwata umuntu utontonkanya... Imwe muli fye mucishilwa ca cibili. Lelo caba ukufuma mu mutima wenu mwalimutemwa nganshi, lyena mulepemena ukupitila mu Cakusushilako ca muntu utontonkanya. Kabili Cena cilekusha imisondele ya muntu uwa mushilo, cilya mwalishiba, ukufuma mu mutima wenu mulabelela uluse umuntu onse, ifintu fyonse, te mulandu ico cacitika. Bushe Ena tawama?

... ntanshi alintemenwe
 No kushita ipusukilo lyandi
 Pa Kalbale.

Tulenda mu Lubuuto, Lwena Lubuuto
 ulwawama,
 Lulesa apo umume waluse ubalika;
 Ukubalika ukutushinguluka akasuba no
 bushiku,
 Yesu, Ulubuuto lwe sonde.

Tulaenda muli ulu Lubuuto, Lwena Lubuuto
 ulwawama;
 Kabili lulesa apo (ukususwa) amatoni ya luse
 yabalika;
 Owe, ukutushinguluka akasuba no bushiku,
 Yesu, Ulubuuto ulwe sonde.

Iseni, mwe ba mushilo ba Lubuuto, bilisheni,
 Yesu, Lubuuto lwe sonde;
 Lyena inyenjele sha ku Mulu shili no kulila,
 Yesu, Ulubuuto lwe sonde.

Tulaenda muli ulu Lubuuto, Lwena Lubuuto
 ulwawama;
 Kabili lulesa apo amatoni ya luse yabalika;
 Owe, ukutushinguluka akasuba no bushiku,
 Yesu, Ulubuuto ulwe sonde.

Mwalitemwa cilya? [Ulukuta lwatila, “Ameni.”—Ka.]

Owe, tuli no kwenda muli ulu Lubuuto,
 Lwena Lubuuto ulwawama nganshi;
 Kabili Lwena lwisa apo umume waluse
 ubalika;
 Owe, ukubalika ukutushinguluka akasuba no
 bushiku,
 Cena ni Yesu, Ulubuuto lwe sonde.

Nalitemwa fye cilya!

Nabebeta Imwe,
 Mwali pa Kalbale,
 Mupusushi;
 Mungu’mfwe mwi pepo,
 Fibi mufumyemo . . . (Nsuseni, Shikulu,
 ukupitila mu Cebo.)
 Ndetendeke lelo
 Kuba Wenu!

Tontonkanyeni fye pali cena, ukususwiwa ukupitila mu
 Cebo, “Uwenu onse.”

Nga nyenda mu mfifi,
 Yaisa macushi,
 Ntungululwe;
 Mfifi bya kasuba,
 Mufumye ukucula,
 Mundesho kufuma
 Kuli Imwe.

[Munyina Branham atendeka ukugwi’ngwinta *Icitetekelo
 Candi Calolekesha Kuli Imwe*—Ka.]

...lwendo lwa mweo,
 Mulenkosha;
 Mfifi bya kasuba,
 Mufumye ukucula,
 Mundesho kufuma
 Kuli Imwe!

¹⁹⁹ Lesa wakutemwa, twalitemwa ukwimba kuli Imwe, pantu ni kulya tulangisha imyumfwile yesu, ifyakumfwa umfwa fyesu, ulukuta lonse, ilyo Imwe muleputila pali ifwe Icebo ca Mweo. Ifwe tuletasha nganshi, Shikulu. Kabili lulyo lwimbo, tupokeleleni, bushe Mwalacita, Shikulu? Kulya e kukabila kwesu, cili ukususwa ukupita mu Cebo cakwa Lesa, endeni cila bushiku mu Lubuuto, Ulubuuto lwa Mbila nsuma.

Kabili isusheni inshila yesu cila bushiku no kutemwa,
 Ilyo tuleenda ne Nkunda ya ku Mulu;
 Natuleya pakashita, no lwimbo ne cimwemwe,
 Isusheni inshila yesu cila bushiku no kutemwa.

²⁰⁰ Peleni ci, Shikulu. Tupaleni capamo nomba. Leken i inkumbu Shenu no luse fibe na ifwe. Undapeni abalwele na bacushiwa mu mpanga yonse.

²⁰¹ Tuletasha Imwe pali Munyina Coggins muno bushiku, ukutula imwe, mwalaleka wene afume mucipatala, ukuya kunga'nda umutuntulu. Tuletotela Imwe pa fintu fyonse ifyo Imwe mwacita, kabili pa maka yesu fwebene ukutula tuleumfwa abasansabikwa nomba.

²⁰² Tuletotela Imwe pa Mbila inono iyaputaulwa muno bushiku, Shikulu. Ine—ine nshacicita bwino, lelo ndeppea, Shikulu, ukutula Imwe mwalacilenga ukuba icalungama mu cinso ca bantu, pakutula bengamona no kwishiba ifyo cacipilibula. Sendeni ubukata ukufuma kuli cena, Shikulu, kabili lekeni ifwe tukwate uku kwiluka, nga tapali cimbi, ukutula tuli no kwikalila pa Mukate wa Cebo cakwa Lesa, ukususwa ukufuma kuli Lesa ku bana fye Bakwe. Lwena lukuta ulwapatulwa. Cena te caumbi. Cena cakuli abo fye, abasalwa Benu, nge fyo amenshi aya ng'ombe iyakashika ayapatula yali kulukuta lwa Israele fye. E ico, Tata, ifwe twalishiba ukutula Umukate wa Mpaanga sheka.

“Cena tacalinga ukusenda icakulya ca bana no kuciposela ku mbwa,” efyo Yesu asosele.

Kabili umwanakashi, mukubwekesha, atile, “Ee, Shikulu, cilya cishinka, lelo ndefwaya ukusenda utubufungau.”

Kabili tuleumfwa ulya musango muno bushiku, Shikulu. Ifwe tulefwaya fyonse ifyo Imwe mwingatupela, Tata, pantu tuli ne nsala ne cilaka icingi ica kuli Imwe.

203 Peleni ukutila insala yesu ili no kwikushiwa kabili ifya kukabila fyesu fili no kwishibikwa, pantu, Tata, tulefwaya ukukwata ukukabila kwa muntu umulungami. Kabili Umuntu umulungami ali ni Yesu Kristu, kabili ukukabila Kwakwe kwali ukucito bufwayo bwakwa Tata, ico cali Icebo. Peleni cena kuli ifwe, Tata. Twalombela cena mwi Shina Lyakwa. Ameni

Lekeni twiminine nombamba ilyo tuleimba ulwimbo lwesu nombamba ulwa kusalanganinako, ulwa, *Bule Shina Lyakwa Yesu*.

204 Kunse mufifulo nombamba, mulya umo Imbila ile muno bushiku, lekeni Lesa abe na imwe nombamba ilyo tulesalanganamba mwi pepo. Lekeni cila umo muli imwe, kunse kulya, ndesubila na muipakisha ukumfwa ukwingi ngeko nkwele ukuleta Yena kuli imwe. Kabili ndesubila ukutila Lesa ali no kubika Yena mu mitima yenu nokumupela ubwilulo ubwalungama kuli yena.

205 Kabili imwe mwe bantu muno mwi bumba abo abakwete utututambala utuli pano, nimbika indupi pali twena. Ndepepa ukutila Lesa ali no kundapa cila umo muli imwe, tapabe umulwele nangu umo pakati kesu, mulemona ifyo Lesa wesu asuka amapepo.

206 Ilyo twalongana capamo, “Abantu abo abetwa kwi Shina Lyandi balongana abene capamo no kupepa, lyena nkomfwa ukufuma ku Mulu.” Alilaile ukucicita.

207 E ico, ifwe tatuli abapatukana. Ifwe tuli fye umuntu umo; ifwe bonse tuli fye umo, muli Kristu Yesu. Kabili cila umo ukupepela umo no mubiye; Imwe mumpepeleko ilyo ine ndemupepelako. Kabili Lesa amupale mpaka tukamumone nakabili.

208 Kabili ndesubila ukutila imwe muli no kuba lyonse... imwe mwe bekala muno mupepi, muli no kwisa ku tabernacle no kutandala kuno na pastor wesu musuma, Munyina Neville. Ena aka mucita icisuma, Munyina Mann kabili abantu abasuma abo akwata muno mu tabernacle.

209 Nga muli mupepi kuli Munyina Junior Jackson atemwa bamo abashala ukupita mu mpanga yonse, New York ne fifulo ifyapusana pusana uko bakwete ukulongana kwabo, ukushinguluka mu Arizona na California, tandalileni shilye nkuta nga muli kunse kulya. Tulepepa ukutila muli nokubwekela nakabili no kuleka ba pastor bakamwafwilishe ukwishiba ifingi palwa kwa Shikulu Yesu.

210 Lesa amupale nombamba ilyo tuleimba *Bule Shina Lyakwa Yesu*.

... Ishina lyakwa Yesu,
We mwana wa bulanda;
Likakupela ubuseko,

[Munyina Branham alanda ku muntu umo pa cintamba—Ka.]

. . . Kabiyezi

Ishina lisuma (Ishina lisuma), (Ifyo lyawama!)
 Lya panshi no Mulu;
 Ishina lisuma,
 Lya panshi no Mulu.

²¹¹ Ukulolekesha pa lukuta muno bushiku, ukumona Munyina Estle Beeler kunuma kulya, Munyina Palmer, kabili abengi bakapyunga, Munyina J.T., kabili na bambi abengi abeminine kuno, teti mbete bonse amashina yabo. Ndekabala nganali na imwe, cila umo, kuno lubali, kabili imwe bonse ukusalanganya ulukuta atemwa ukucita icintu cimo. Muleumfwa, bushe ta mulecita? Ninjishiba mwalikwa umutima wa Bwinkristu kabili ukwishiba ukutila tulingile uku. . . musango nshi ifwe—ifyo ifwe twaba; ifwe twaba bonse capamo Umuntu umo, muli Kristu Yesu.

²¹² Nomba lekeni twibukishe iyi vesi ilekonkapo ilyo tulelwimba, ilyo Munyinefwe Martin kuno aletusalanganya mwipepo. Kabili ndefwaya uku. . . Uyu ni Munyina Earl Martin ukufuma, ndecetekela, ukufuma Arkansas atemwa—atemwa Missouri. [Munyina Earl Martin atila, “Missouri.”—Ka.] Missouri, kulya kwine ku Arkansas, umushilwa wa Missouri kulya. Balikwata ulukuta kulya lubali.

²¹³ Kabili nalimwene uyu umbi munyina ukufuma kulya, teti ntontonkanye ishina lyakwe, Brewer. Ena aciba muno ulucelo. Ndesubila acili muno muno bushiku. Ee, ni mumona ukwiminina kuno lubali, Munyina Brewer. Nalilaile ukwisako no kushisha inkuta shabo, inshita ishingiri nganishi. Nkafika kulya ubushiku bumo, ku bwafwilisho bwakwa Shikulu, nge fyo ninga cita.

Nomba, ilyo tuleimba iyi vesi ikonkelepo nomba.

Temwe Shina lyakwa Yesu,
 Kuwa pa nkasa Shakwe,
 Ali Mfumu ya sha mfumu,
 Tumutotele bonse.

Katulwimbe nomba.

Temwe Shina lyakwa Yesu,
 Kuwa pa nkasa Shakwe,
 Ali Mfumu ya shamfumu,
 Tumutotele bonse.

Ishina lisuma (Ifyo lyawama!)
 Lya panshi no Mulu;
 Ishina lisuma,
 Lya panshi no Mulu.

Sose Shina lyakwa Yesu,
 Libe cishangu konse; (umfweni nomba)
 Lintu waba no kweshiwa, (cinshi ico ulingile
 ukucita?)
 Lilumbule upepe.
 Ishina lisuma,
 Lya panshi no Mulu;
 Ishina lisuma,
 Lya panshi no Mulu.

Natukontamike imitwe yesu.

Ishina lisuma, Ifyo lyawama!
 Lya panshi no Mulu;
 Ishina lisuma (ukubatishiwa muli Lyena;
 ukupepela muli Lyena), Ifyo lyawama!
 Lya panshi no Mulu.

Munyina Martin. [Munyina Martin alepepa—Ka.]



ICAKUSUSHILAKO UMUNTU UTONTONKANYA BEM65-0822E
 (A Thinking Man's Filter)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu icungulo bushiku, August 22, 1965, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nailembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2009 VGR, ALL RIGHTS RESERVED

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org